



International call 48t per min

ALL DAY ALL NIGHT!

Use Citifon, Fixed Wireless phone & Prepaid Landline to call Australia, New Zealand, China, India, Fiji, Philippines & Malaysia this XMAS and enjoy the **LOWEST** Call Rate.

24/7 Customer Care on 345 6789 website: www.telikompng.com.pg

TELKOM PNG

Lukluk bek long 2011

Gret 8 tes taim i senis
...Klostu hap milion Gret 8, 10 na 12 bai resis long spes

Nape rausim Lapun
...Gavman bai skelim K1 bilien long st

2015 Gems ken st
...Gavman bai skelim K1 bilien long st

Grasruts
Tingim sindaun bilong pipel...

Senisim loa-Sir
...sapos Air Niugini ne Airlines PNG i marit

Gavman
...sapos Air Niugini ne Airlines PNG i marit

Envair
...sapos Air Niugini ne Airlines PNG i marit

Sik AIDS stap
...60 milion stap yet, 30 milion

Polis tok ol
...painim ol bir

NEC rausim Glenn Blake
...sapos Air Niugini ne Airlines PNG i marit

KLOSTU NAU!
Yu enrol tu?
124
De moa...
Enrol NAU!!

Gan o bel isi
Dilong PNG?

Mipela kliarim
rot nau' - Arthur

annim mi tu!
Ol nupela risos developmen

Ritim Sabina long pes 11 na 12...

Sabina's Corner

Megikol Dils
Top Ap Na Win

Dispela Krismas taim, Top Ap long eni amout lo chans bilong yu ba winim PRI credits!

Klostu taim bai Krismas Dae!

www.digicelpng.com | f t

Digicel
PNG's Biggest, Better Telecom.

Terms na kondisnons applae. Askim long stoa lo deteils. Promosien ba pinis lo 31st Disemba 2011.

OCEAN BLUE TUNA

Gutpela abus tru na i no dia tumas!

OX & PALM

Tuna
IN TOMATO SAUCE

Tuna
IN OIL

GG luksave long O'Neill

Aja Alex Potabe i raitim

GAVANA Jeneral, Gren Sif Se Michael Ogio, i luksave pinis long Peter O'Neill olsem tru tru praim minista bilong PNG aninit long loa.

Long wankain taim, Gavana Jeneral i nau luksave tu olsem Gren Sif Se Michael Somare i no moa memba bilong Is Sipik bikos palamen i bin senisim loa bilong Praim Minista na NEC Act, na rausim em pinis long sia bilong Is Sipik long Disemba 9.

Las wik Mande, Palamen i bin rausim saspensen bilong Gren Sif Se Michael Ogio bihain long em yet i bin raitim wanpela leta i go long Palamen long luksave long O'Neill-Namah Gavman, taim em i painimaut olsem em i kisim na bihainim rong edvais i kam long rong man.

Long tri kilok apinun, Palamen Spika Jeffrey Nape, i bin stretim ol pepa wok long rausim saspensen bilong Se Ogio, na putim em gen olsem Het bilong Stet bilong PNG.

Bihain long en O'Neill, Namah na olgeta gavman memba i sindaun long 4-pela bas na go daun long Gavman Haus long bungim Gavana Jeneral.

Gren Sif Se Ogio i bin tok sore long O'Neill-Namah gavman, na em i tok aut olsem em i bin bihainim edvais bilong rong man, na mekim dispela disisen bilong swerim-in Gren Sif Sir Michael Somare olsem



GAVANA Jeneral, Gren Sif Se Michael Ogio i onarim Peter O'Neill.

praim minista bilong PNG.

Makim maus bilong He Majesty, Kwin Elizabeth II, na Het bilong Stet bilong PNG, Se Michael i bin tok em i rausim dispela disisen em i mekim pinis, na nau em i luksave long O'Neill-Namah Gavman olsem tru tru gavman husat i bin bihainim loa long kisim gavman long Decemba 12.

"Tenkyu olgeta pipel bilong PNG long wet na stap isi. Mi rausim pastaim disisen mi mekim long luksave long Somare. Mi inap long kisim o harim edvais bilong Palamen, NEC na Atoni-Jeneral tasol. I no bilong Stet Solisita, Lejislativ Kaunsel or ol arapela wok-

man bilong stet. Na mi tok tenkyu tu long Palamen long rausim saspensen bilong mi." Se Ogio i bin tok.

Se Michael i bin tok ol memba i stap long sait bilong Somare tu i mas go bek long palamen na stap olsem lida bilong pipel husat ol i makim maus long en.

Em i bin tok tupela sait wantaim ba tok sore na stretim aninit long pasin Melansia o pasin tumbuna bilong yumi PNG yet.

Praim Minista, Peter O'Neill i bin tok, tenkyu long Gren Sif Se Ogio long luksave long gavman bilong en, na tu luksave long

Palamen olsem em i wanpela ples tasol we ol i save makim praim minista o rausim praim minista.

Em i bin tok tenkyu long Se Ogio i bin luksave long sampela senis ol i bin mekim long Praim Minista na Nesenel Eksektiv Kaunsil (PM & NEC) Act long rausim Gren Sif Somare olsem memba bilong Is Sipik.

O'Neill i bin tok em i bin rispekim desisen bilong Suprim Kot, tasol Somare i no moa memba bilong Is Sipik. Palamen i bin rausim em pinis long Decemba 9 bikos palamen em i antap moa long kot o em i suprim.

Ol meri i karim pikinini na planti moa



YUMI olgeta, ol memba bilong palamen tu – i bin statim laip olsem. Olsem liklik pikinini mama i karim na lukautim.

Mama na nupela laip – long ol haus karim olgeta de i kamap olsem Krismas De.

Ol meri i save kamapim laip long ples, i no long karim na lukautim pikinini tasol.

Ol meri i serim ol yet long wok na tingting na driman na laik pasin bilong ol. Ating yumi save skelim na tingim ol gutpela samting bilong mama na meri na susa bilong yumi o nogat? Yumi save sapotim ol meri long we ol i ken

karim na lukautim kantri bilong yumi o nogat?

Namba tu gol bilong mama loa bilong PNG em hia: "Olgeta sitisen bilong kantri i mas gat sans long go insait long wok bilong divelopim kantri. Na olgeta gutpela samting i save kam long dispela divelopmen i mas kamap long han bilong olgeta manmeri, na i no bilong sampela tasol". Sapos yumi wok long bihainim dispela gol, ating kantri PNG bai groa gut.

- **Stori na Poto: Pater Philip Gibbs SVD**

Sir J laik pasim olgeta maining projek long NIP

Aja Alex Potabe i raitim

GAVANA bilong Nu Ailan, Sir Julius Chan, i toksave pinis long Nesenel Gavman olsem em bai pasim olgeta maining projek long Nu Ailan sapos gavman i no stretim olgeta Lihir MoA mani na projek.

Aninit long dispela MoA, Nu Ailan Provinsel Gavman i no bin kisim Infrastraksa Divelopmen Gren (IDG) mani na ol projek long 15-pela yia olgeta.

"Gavman i mas peim olgeta mani bilong dispela 15 yia, givim bek Nu Ailan Trast Fan i go bek long Nu Ailan Provinsel Gavman, na karimaut dispela foapela bikipela infrastraksa projek aninit long Lihir MoA," Sir J i tok.

"Gavman i holim yet bikipela milian kina mani bilong IDG na projek wantaim aninit long MoA, we em inap long givim pinis long Nu Ailan pipel long dispela 15 yia. Gavman i no peim pipel bilong Nu Ailan yet. Em 15 yia nau," em i tok.

"Pipel bilong Nu Ailan i wet longpela taim tru, na ol i kisim bikipela taim pinis na stap. Gavman i no givim samting bilong ol hariap long taim. Mipela hat long wet longpela taim gen. Nesenel Gavman i groa fat long mani em i save kisim long Lihir na Simberi, na em i mekim moa milian kina long mama graun bilong mipela long Nu Ailan. Tasol nau mi tokim yu, dispela i nau bai stop," Sir J i tok.

Em i tok Nu Ailan bai no inap larim ol maining projek long kamap bikos em i no gutpela pasin taim ol arapela manmeri long PNG i kisim benefit i kam long ol maining projek bilong Nu Ailan, taim ol papagraun yet i no kisim benefit yet.

"Sapos Gavman i no peim mipela dispela ol mani bilong 15 yia, mipela bai pasim olgeta maining," em i tokim gavman.

Sir J i bin sainim Lihir MoA wantaim pipel na gavman bilong Nu Ailan taim em i bin stap praim minista

12-pela yia i go pinis, na taim em i kambek long palamen olsem gavana bilong Nu Ailan long 2007, em i bin kirap nogut long lukim olsem pastaim Somare gavman i no bin bihainim dispela MoA long givim mani na infrastraksa projek bilong Nu Ailan pipel.

Long laspela foapela yia, Nu Ailan Gavman i bin tok-tok 12-pela taim wantaim ol mausman bilong pastaim Somare Gavman na nau O'Neill-Namah Gavman tu.

Sir J i bin kisim dispela asua i go long Disput Risolusen proses bihain long em i kisim i go long Nesenel Kot stret. Nu Ailan i nau wetim yet disisen bilong Nesenel Gavman.

"Nu Ailan i save mekim bikipela mani long kamapim nesenel winmani long gavman i ken yusim long ronim gut kantri, tasol gavman i no save luksave gut long pipel bilong Nu Ailan," Sir J, husat i bin stap bipo praim minista, i tok.



Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOK 52 times a year.

AIRMAIL SUBSCRIPTION RATES (includes postage & handling)
PNG K220.00, Australia/New Zealand US\$110.00, Asia/Pacific US\$150.00
Rest of the World US\$210.00

NCD HOME DELIVERY

K80.00 per copy or K65.00 for two or more copies. Office pickup K52.00 per year for a copy.

Please send me _____ copy/copies of WANTOK for one year.

I enclose Kina/USD _____ as full payment.

Name _____

Postal Address _____

City _____

State/Province _____ (abbreviation)

Country _____ Zip/Postal Code _____

Street Address _____

Telephone _____ Fax _____

Email _____

Signed _____ Date _____

**Address:
Subscriptions
Word Publishing Company Ltd
PO BOX 1982
Boroko, NCD 111
Papua New Guinea**

Sir J: Loa ken kamapim dikteta long PNG

Aja Alex Potabe i raitim

LOA bilong Praim Minista na Nesenel Eksekutiv Kaunsel (PM & NEC Act) i ken mekim wanpela praim minista kamap dikteta long PNG.

Ol sampela kantri long Afrika olsem Libya, Uganda, na Sudan i bin bagarap taim gavman long hap i bin senisim loa bilong praim minista na presiden bilong ol.

Sapos gavman i stat long senisim loa bilong praim minista nau yet, em i kisim PNG i go long rong hap.

Gavana bilong Nu Ailan na bipo

praim minista bilong PNG, Sir Julius Chan i poret nogut tru, bikos PNG i bihainim rongpela rot taim Praim Minista Peter O'Neill na gavman i senisin PM & NEC Act long katim daun krismas mak bilong praim minista i kam daun long 72 yia.

"Ol biknem dikteta long Afrika olsem leit Muama Gadafi bilong Libya, leit Idi Amin Dada bilong Uganda, Omar al-Bashir bilong Sudan, na ol arapela dikteta bilong Afrika. Ol i bin stap olsem presiden o praim minista bilong kantri aninit long demokretik sistem bilong gavman. Tasol ol yet i senisim loa bi-

long praim minista o presiden na mekim ol yet kamap laip taim lida," Sir Julius i tok.

Em i tok: "Ol kamap dikteta na bagarapim kantri. Robert Mugabe, presiden bilong Zimbabwe i wok long senisim dispela kain loa long givim pawa long em yet long kamap presiden longpela taim stret. Em i save kilim ol pipel husat i go agensim em bikos loa i tok orait long em mekim olgeta samting aninit long san."

Em i tok dispela nupela loa bilong praim minista i mas raus bikos ol praim minista husat i gat moa krismas bai gat bikpela ekspirens

long ronim kantri na mekim ol gutpela samting.

Maski bodi bilong ol bai wik na nogat bikpela strong, ting ting bilong ol i strong yet olsem ol yangpela man na ol i ken ronim gut kantri stret.

"Presiden bilong Saut Afrika, Jacob Zuma, krismas bilong en i 85 yia. Ronald Reagan, bipo presiden bilong Amerika i bin 80 yia krismas. Tasol ol i save ronim gut kantri. Amerika em pawaful kantri long wol, na Reagan i bin mekim planti samting long kirapim Amerika. Zuma em presiden bilong wanpela

kantri tasol long Afrika husat i develop pinis olsem ol arapela develop kantri long Yurop tu," Sir J i tok.

Em i tokim O'Neill long rausim dispela loa bikos dispela kain loa i ken kamapim dikteta long PNG.

"Ol pipel yet bai skelim. I no loa o palamen. Sapos pipel i les long lida bilong ol i kamap praim minista, ol yet bai mekim disisen long balot pepa. Maski mi gat 72-pela krismas, ol pipel i bilip strong long mi olsem lida bilong ol. Olsem na ol i votim mi i kam long palamen," Sir J i tok.

Mingende tingim ol HIV na AIDS 'pren'

Ol helt woka na ol "Pren" husat HIV na AIDS i givim hevi long ol, i bin bung long lotu na serim kaikai long Disemba 1 long Mingende long tingim Wol AIDS De.

Long Mingende haus sik, namba bilong ol husat blut test i soim ol i gat HIV binatang i winim 500.

118 i bin dai, na 365 i stap na kisim ART marasin bilong strongim bodi bilong ol.

Wanpela meri husat i gat binatang i bin tokaut "Haus sik i stap na mi stap. Tenkyu tru."

Long Wol AIDS De 2011, as tingting em "Getting to zero": Em min olsem bai nogat nupela i kisim HIV binatang, nogat toktok o pasin i daunim ol husat i gat sik, na nogat moa manmeri o pikinini i dai long dispela sik AIDS.

Dokta Yohang long Mingende i bin

tokaut strong na singautim ol manmeri long kam kisim blut test. Em tok, "Sapos yu no infektet, orait mipela i laik lukim zero (0) bilong yu. Tasol sapos yu wan (1), orait mipela bai helpim yu na yu holim wan (1) bilong yu. No ken go givim binatang i go long narapela."

Bisop Anton Bal i wari olsem helt sevis long planti bus ples em zero (0).

Em i bin tokaut strong olsem Gavman mas tingim gut helt bilong ol pipel. Sios Helt Sevis i lukim nid bilong ol pipel na wok. Sios i givim ol sevis tasol sampela taim Gavman i sindaun antap long wok bilong sios. Em laikim tru patnasip i kamap we tupela gavman na sios i lukim laip bilong ol pipel na wok bung wantaim.

- Poto na Stori: Pater Philip Gibbs, SVD

POTO i soim tupela nes, Sister Margaret Ghunn, na Sister Rose Aba, bilong Mingende haus sik long Simbu, wantaim tupela pikinini i laitim kendol long tingim ol manmeri na pikinini i bin dai pinis long AIDS.



Sif i strong nating?



Gren Sif Sir Michael Somare (R) em i strong nating bikos Gavana Jeneral i luksave pinis long Peter O'Neill olsem tru tru praim minista bilong PNG.

MASKI Gavana Jeneral i makim maus bilong Kwin bilong Ingran na Komowel, Kwin Elizabeth II, na luksave pinis long Peter O'Neill olsem tru tru praim minista bilong PNG, Gren Sif Sir Michael Somare i wok long strong yet olsem em tu i praim minista bilong PNG.

Taim Praim Minista, Peter O'Neill i givim krismas de toktok bilong en long PNG pipel, Somare tu i tok em i praim minista bilong PNG na em tu i givim krismas de toktok bilong em tu long pipel bilong PNG.

Tupela wantaim i mekim toktok long Sunday Chronicle niuspela long Sande krismas de.

Taim O'Neill-Namah Gav-

man i gat 75-pela memba long palamen haus, ol memba husat i hait wantaim Somare long Ela Beach Hotel i wok long tok ol i tru tru gavman bilong PNG.

Palamen i senisim pinis PM & NEC Act long Disemba 9, na ol i rausim Somare olsem Memba bilong Is Sipik. Ol memba husat i stap wantaim Somare i mas luksave long dispela na givim gutpela edvais long Gren Sif na tu, tokim stretpela toktok long pipel bilong PNG.

Olgeta gavman dispatmen het i wanbel pinis long wok aninit long O'Neill-Namah Gavman. Maski Gavana Jeneral i no luksave long O'Neill-Namah

Gavman pastaim, PNGDF o ami i les long arim tok bilong Somare long imejensi kolaut.

Ol polis husat i bin stap wantaim Fred Yakasa tu i kisim gan bilong ol go bek na nau i bihainim toktok bilong Tom Kulunga.

Long liklik taim tasol O'Neill-Namah Gavman i skelim K10.5 bilian kina bilong Baset 2012. Ol i putim fri edukesen long halivim ol papa mama na planti pipel stret i amamas long dispela gavman.

Olsem na Gren Sif em i gutpela lida. Em i papa bilong PNG. Ol pipel bilong PNG bai rispekim em gut tru, tasol ol arapela memba husat i stap wantaim em i wok long givim rong edvais long em.

KIKSTATIM DEI WANTAIM



PNG Politiksenis tru long yia 2011

Aja Alex Potabe i raitim

STAIL bilong PNG Politiksenis i senis pinis bikos long yia 2011 tasol planti nu-pela samting i kamap long PNG. PNG em wampela strongpela demokretik kantri na nogat wampela sivil anrest, militeri ku, o diktetasip i bin bagarapim palamentri demokrasi sistem bilong gavman bilong yumi.

Plantil ol wol lida i save tok PNG i gat gupela demokretik pasin insait long politikel sistem bilong yumi. Tasol long 2011 dispela guut-pela demokretik pasin na stail bilong politiksenis inap long senis, na PNG inap long lukim sampela kain samting i kamap tasol dispea ino kamap.

Long mun Ogas, palamen i bin rausim papa bilong PNG, na long-pela taim biknem politisen insait long komonwel, Gren Sif Sir Michael Somare. Gren Sif i bin painim bikpela lewa sik bihain long Lidasip Traibinal bilong en long mun Mas 2011 i painimaut olsem em i no asua long ol alegesen bilong en.

Sir Michael i bin go long Singapore long stretim lewa sik bilong en long Raffles Haus Sik. Memba bilong Wabag, Sam Abal i bin stap eking praim minista bilong PNG taim Sir Michael i bin go long haus sik. Nesenel Alaiens(NA) Pati i bin holim gavman stap yet, tasol dispela gavman i bin bruk, taim Sam Abal i bin rausim Don Polye long NA Pati lida.

Bihain long dispela, ol NA memba i lus wanwan. Sampela i bihainim Abal na sampela i bihainim Polye. Long gavman sait yet i bin gat tupela NA kem. Dispela tasol i bin mekim na ol Oposisen i bin lukim liklik gep long taim rausim gavman bilong Gren Sif husat i bin holim pawa, na ronim kantri long 9-pela yia olgeta.

Toktok i bin kamap namel long ol memba yet. Long Ogas 1 ol memba husat i gat wankain tingting i bin bung long haus bilong Sir Mekere Morauta long Touguba Hil long Mosbi. Ol memba bilong pastaim gavman na pastaim oposisen wantaim i bin bung long rausim gavman bilong Somare na Abal.

• Ogas 2

Pastaim praim minista bilong PNG na Memba bilong Is Sipik, Gren Sif Sir Michael Somare i bin lusim sia bilong en long Ogas 2. Taim em i bin sik nogut tru na stap long Singapore Raffles Haus Sik, Memba bilong Vanimo-Green, Belden Namah, i saspending stending oda bilong palamen haus na i tokaut olsem sia bilong praim minista Gren Sif Sir Michael Somare em i stap nating.

Namah i nominetim Memba bilong lalibu-Pangia, Peter O'Neill long kamap Praim Minista bilong PNG na palamen i votim em long kisim ples bilong Somare. Memba bilong Wabag, Sam Abal i bin stap eking praim minista dispela taim, tasol planti memba bilong gavman na oposisen wantaim i votim O'Neill long kamap praim minista. PNG i bin kirap nogut taim dispela samting i bin kamap.



GG LUKSAVE PINIS...Belden Namah, Peter O'Neill, Sir Michael Ogio, na Francis Marus long Gavman Haus taim Sir Ogio i luksave long O'Neill-Namah Gavman olsem tru tru gavman bilong PNG.

• Septemba 6

Gren Sif Sir Michael Somare i bin stap long Singapore Haus Sik na kam bek long PNG. Em i bin kirap nogut long lukim olsem Memba bilong lalibu-Pangia, Peter O'Neill i bin siandaun pinis long sia bilong en.

Somare i bin kam insait long Palamen long wilsia na taim em i laik sindaun stret, Palamen Spika Jeffrey Nape i tok, tingting bilong Somare i no wok gut long kamap memba bilong palamen.

Nape i bin rausim Gren Sif long sia bilong Is Sipik na tokaut olsem sia bilong Is Sipik i stap nating bikos het na tingting bilong Somare i no wok gut na em bai i no inap long mekim gupela disisen bilong kantri. Olsem na long gupela bilong PNG, Nape i rausim Gren Sif long Sia bilong Is Sipik.

Is Sipik Provinsel Gavman i failim Spesol Suprim Kot Refrens long painimaut sapos O'Neill i bin bihainim loa stret long kisim praim minista, n atu painim aut sapos Stingting bilong Somare i no wok gut.

• Novemba 10

Taim Praim Minista Peter O'Neill i go long Hawaii APEC miting, eking praim minista Belden Namah na Atoni-Jeneral Dokta Allan Marat i sanap antap long NEC disisen na i bin saspending Sif Jastis, Sir Salamo Injia.

Namah i bin tok, NEC i bin tingting long rausim Sir Salamo bikos ol i saspek olsem em i bin gat kontemp sas o sas bilong em i no rispekim kot, kisim dabol mani, bagarapim Salaris na Remuneresen Komisn long kisim haus mani bilong en, na bikpela mani bilong kot em i no bin yusim gut. Sir Salamo i bin holim bek wampela haus bilong Jastis Timothy Hinscliff husat i dai pinis.

• Novemba 11

Jastis Sakora i bin tokim polis long arestim Namah na Dokta Marat aninit long kontemp sas, bikos tupela i no bin respekim, o bihainim kot, tasol tupela i distebim kot taim Suprim Kot disisen bilong Is Sipik Spesol Refrens, long Disemba 9, i no painimaut yet sapos O'Neil-Namah gavman i bin bihainim loa long kisim pawa.

Namah na Dokta Marat yet i go insait long Boroko Polis sel, stap 5-minit insait na kamaut long K10,000 polis beil. Namah tok tupela yet i go insait long sel long tokim PNG olsem nogat wampela man i stap antap long loa.

• Novemba 14

Nesenel Eksekutiv Kaunsel (NEC) i bin rausim dispela disisen long saspending Sif Jastis, Sir Salamo Injia, bihain long Suprim Kot jas, Jastis Bernard Sakora, i tokim ol polisman long arestim Deputi Praim Minista, Belden Namah, na Atoni-Jeneral, Dokta Allan Marat.

Namah i bin tok long gupela bilong Nesenel Sekyurit bilong PNG, ol i rausim gen kabinet disisen bilong rausim Sif Jastis bilong PNG.

Rejistra bilong Nesenel na Suprim Kot, Ian Augerea i sasim Namah na Dokta Marat long kontemp sas. Dokta Marat na Namah bai sanap long kot long Februari 13, 2012.

• Novemba 15

Long apinun, Praim Minista Peter O'Neill i kam bek long Hawaii APEC Miting na, i bin tok, wanem disisen kabinet i mekim em i bilong gupela bilong kantri. Em i bin tok nogat wampela man i stap antap long loa. Olgeta man i stap aninit long wampela loa tasol na NEC i mekim disisen long gupela bilong PNG olsem wampela demokretik kantri.

Long moning, polis i bin saspek na sasim Memba bilong Pomio, Paul Tiensten long stilim K10 milian eafret sabsidi, plen long giamanim stet na bagarapim Nesenel Plening opis taim em i bin stap minista long pastaim Somare-Abal gavman.

Loya bilong en, Arnold Amet Jnr i bin tok, Metropolitan Suprintenden Joseph Tondop, i bin tok orait long rausim Tiensten long K5, 000 polis beil, na bihain em bai sanap long kot long stretim dispela tripela sas.

Tiensten i bin ronawe i go long Australia long mun Septemba, na hait long hap, tasol ol Task Fos Swip i bin holim em long Jacksons Ples Balus, taim em i stap long Cairns, na kambek long Qantas Link balus.

• Novemba 22

Olgeta manmeri na memba insait long Palamen i bin kirap nogut taim Palamen Spika Jeffrey Nape i bin rausim memba bilong Pomia, Paul Tiensten long sia bilong en. Nape i bin tok aninit long Seksen 104(2) (d) bilong Mama Loa, sia bilong Pomio i nau stap nating bihain long em i rausim Tiensten bikos em i no bin kam harim tripela palamen sesen olgeta.

Dispela em i wankain olsem Nape i bin rausim tu papa bilong PNG, Gren Sif Sir Michael Somare long Septemba 6. Nape i bin kam long Palamen wan awa leit long tri kilok taim em i kam long Cairns, Australia, long Falcon Jet.

Nape i tokim palamen olsem memba bilong Pomio i bin misim tripela palamen sesen long mun Ogas 9, Septemba 6, na Septemba 20. Tiensten em i singaut long Nape olsem em i bin misim tupela sesen tasol na tok dispela em i 'sipilitiks'. Tasol Nape i bin rausim dispela disisen bihain gen long Novemba 25.

• Novemba 23

HELA na Jiwaka i kamap provins pinis bikos olgeta memba bilong Palamen i bin vot pinis long givim laspela tok orait.

Tupela i nau nomoa stap aninit long Sauten na Westen Hailans Provins, olsem na tupela bai votim gavana na open memba bilong tupela yet long Ilesken 2012.

Bihain long Minista Wake Goi i bin presentim Baundris Komisn ripot long Palamen, olgeta 83-pela memba bilong gavman na namel sia wantaim i vot long givim laspela tok orait long kamapim Hela na Jiwaka provins.

• Disemba 6

Tresara Don Polye i skelim pinis K10.5 bilian bilong 2012 Nesenel Baset long Palamen, na moa long dispela mani bai go long kirapim ples long sevim grasruts pipel bilong PNG. Long wankain taim, gavman i kamapim 8-pela nupela bilong senisim ol olupela loa na kamapim nupela loa tu long rausim sampela gavman takis mani, na halivim ol grasruts manmeri long peim liklik takis mani.

"2012 Baset em i bikpela baset tru. Em i 13 pesen bikpela moa long 2011 baset, na em luksave long nid bilong ol grasruts pipel. Dispela baset bai katim daun mani mak bilong laip bilong ol pipel, na kirapim gupela laipstail bilong olgeta pipel bilong PNG. Em baset bilong ol grasruts pipel bilong PNG," Polye i bin tok.

Dispela K10.5 bilian 2012 Nesenel Baset i kam long tupela baset: Rikaren Baset i kisim K6.1 bilian, na Dvelopmen Baset i kisim K4.4 bilian, na tu dispela baset em i bikpela tru we bipo PNG gavman i no bin skelim dispela kain mani mak.

L go moa long p5

PNG Politik senis tru long ya 2011



GREN SIF OGIO NA BRIG-JEN AUGWI...Gavana Jeneral bilong PNG, Gren Sif Sir Michael Ogio i makim maus bilong Kwin Elizabeth II na luksave long O'Neill-Namah Gavman long Disemba 19, 2011. PNGDF Komanda, Brig-Jen Francis Augwi tu i no harim toktok bilong Somare na tok ami em i stap long lukautim pipel na kantri. *Poto: Wantok Niuspepa*

I kam long p4

• Disemba 9

Suprim Kot inap long hendim daun laspela disisen bilong en long painimaut sapos Memba bilong lalibu-Pangia, Peter O'Neill i bin bihainim stret loa long kisim praim minista long Ogas 2.

Taim Suprim Kot i laik givim aut disisen long 9-kilok moning, Philip Ame, loya bilong Praim Minista Peter O'Neill, i bin failim wampela suprim kot aplikesen long rausim Sif Jastis, Sir Salamo Injia long faivman bens long hendim daun laspela disisen bilong Is Sipik Suprim Kot Spesol Refrens.

Ame i bin tok tripela witnes bilong en i bin lukim Sir Injia toktok i stap wantaim pikinini man bilong Gren Sif, na Memba bilong Angoram, Arthur Somare, long Ela Beach Hotel long hap bilong pilai pokis long Novemba 4 long 2-kilok bik-nait.

Sir Injia i bin surukim disisen bilong Is Sipik Spesol Refrens i go long Mande 12 Disemba 2011 long 9-kilok moning. Em i tok disisen bilong rausim em long 5-pela man bens tu ol bai mekim long Mande.

Palamen i bin senisim loa bilong Praim Minista na Nesenel Eksektiv Kaunsel (PM & NEC Act). Dispela senis long PM & NEC Act 2011 i tok wampela praim minista bilong PNG husat i no stap long kantri long triplela mun olgeta bai lusim sia bilong en olsem praim minista bilong PNG.

• Disemba 12

Suprim Kot i bin hendim daun laspela disisen bilong Is Sipik Spesol Refrens long painimaut sapos Memba bilong lalibu-Pangia, Peter O'Neill i bin bihainim stret loa long kisim ples bilong Gren Sif Sir Michael Somare long Ogas 2. Long 6:30 apinun Suprim Kot i bin givim aut disisen bilong en.

Tripela Jas i bin tok sia bilong Somare i no bin stap nating. Sif Jastis, Sir Salamo Injia, Jastis Nicholas Kirriwom na Jastis Les Gavara-Nanu i bin tok suprim kot i painimaut olsem sia bilong Gren Sif i no bin stap nating bikos palamen yet i bin givim tok orait long en long go long Singapore Raffles Haus Sik.

Namba tu Sif Jastis, Gibbs Salika na Jastis Bernard Sakora i bin tok palamen i gat rait long rausim na makim nupela praim minista na O'Neill i bin bihainim demokretik pasin long rausim Somare.

Taim Suprim Kot i putim gen Somare olsem praim minista bilong PNG, palamen i mekim PM & NEC Act 2011 kamap olsem loa, na Palamen Spika Jeffery Nape i rausim Somare long sia bilong Is Sipik gen aninit long dispela nupela loa.

69 memba bilong palamen i votim gen Peter O'Neill olsem Praim Minista bilong PNG. Gavman bilong O'Neill i bin i go daun long Gavman Haus long larim Gavana Jeneral, Gren Sif Sir Michael Ogio, luksave long ol tasol get bilong Gavman Haus i bin pas long nait.

• Disemba 13

Suprim Kot i bin putim Gren Sif Sir Michael Somare olsem Praim Minista bilong PNG. Somare i bin makim kabinet minista bilong en pinis. Somare i bin makim Fred Yakasa long kamap ekting Polis Komisina na makim tu Gabriel Yer long kamap ekting Fainens Sekretari.

Palamen i salim toktok i go long Gavman Haus long luksave long O'Neill-Namah Gavman tasol, Gavana General i no bin mekim wampela toktok. Long 2-kilok apinun O'Neill-Namah Gavman i bin go daun long Gavman Haus.

Fred Yakasa wantaim ol arapela polisman husat i harim toktok bi-

long Somare i bin blokim get bilong Gavman Haus i stap. Olgeta 72 memba bilong palamen i wet stap long hap long 3-pela awa olgeta.

Bihain Sir Michael Ogio i tok em bai sindaun na toktok wantaim Somare na O'Neill long stretim dis-

pela hevi bilong kantri.

Taim ol memba bilong O'Neill-Namah gavman i stap ausait long Gavman Haus, Memba bilong Nuku, Andrew Kumbakor, Pablik Opisa nilong Nesenel Alaiens Pati, Joyce Grant, na Rejistra bilong Politikel Pati na Kendidets, Paul Bengo i bin i stap insait long Gavman Haus.

• Disemba 14

Gavana General Gren Sif Sir Michael Ogio i tokim Gren Sif Sir Michael Somare na ol kabinet minista bilong en long kam long Gavman Haus na fomin gavman.

Long wankain taim, Palamen i rausim o saspensim Ogio bikos em i brukim Seksen 142 (2) bilong Mama Loa taim em i no bin bihainim edvais bilong palamen long mekim disisen.

Nape i tok pawa bilong pipel i stap long palamen wantaim ol memba, na palamen i bin soim dispela pawa long rausim Gavana Jeneral. Nape i bin kamap ekting Gavana Jeneral aninit long Seksen 94 bilong Mama Loa bikos Ogio i no bin stap long luksave long O'Neill-Namah Gavman.

Deputi Palamen Spika na Memba bilong Talasea, Francis Marus, i bin kamap ekting palamen spika.

Nape i tok em i yusim pawa bilong en olsem ekting gavana jeneral na em i makim maus bilong Kwin Elizabeth II long luksave long O'Neill-Namah Gavman olsem tru

tru gavman bilong PNG. Nape i bin yusim pawa bilong en long rausim ol kabinet minista bilong Somare, na palamen i bin gesetim dispela.

• Disemba 16

O'Neill-Namah Gavman kontrolim olgeta gavman opis olsem Morauta Haus, Vulupindi Haus, na Polis Het Kota. Ol ami na polisman i tok ol i stap wantaim O'Neill. Komanda bilong PNG Difens Fos (PNGDF), Brigeida Jeneral Francis Augwi, i tok ol ami bai no inap long sapotim O'Neill o Namah tasol ol bai halivim pipel na lukautim kantri. Tasol Augwi i les long arim toktok bilong Somare taim em i askim ami long halivim em. Ol arapela polisman husat i stap wantaim Yakasa na arim toktok bilong Somare i lusim Yakasa na bihainim oda bilong Kulunga gen.

• Disemba 19

Gavana-Jeneral, Gren Sif Sir Michael Ogio, i bin luksave long Peter O'Neill olsem tru praim minista bilong PNG aninit long loa. Long wankain taim, Ogio i nau luksave tu olsem Gren Sif Se Michael Somare i no moa memba bilong Is Sipik bikos palamen i bin senisim loa bilong PM & NEC Act, na rausim em pinis long sia bilong Is Sipik long Disemba 9. O'Neill, Namah na olgeta gavman memba i bin sindaun long 4-pela bas na go daun long Gavman Haus long bungim Gavana Jeneral, we em i makim maus bilong Kwin Elizabeth II na luksave long O'Neill olsem praim minista bilong PNG. Palamen bai bung gen long Janueri 13, 2012.

Hela na Jiwaka kamap provins pinis...



PINIS... Longpela taim tru pipel bilong Hela na Jiwaka i bin tokaut na singaut strong long kisim provins bilong ol yet. Long Novemba 2011 ol i kisim provins pinis bihain long lilektoral Baundris Komisina i bin givim ripot bilong en long long palamen. Olgeta 83 memba long palamen i bin wanbel na vot long larim Hela na Jiwaka kamap provins. Hela na Jiwaka wantaim bai gat tripela open ilektoret. Tari-Pori, Komo-Margarima, na Koroba-Kopiago bai stap long Hela, na Jiwaka bai gat Jimi, North Waghi na South Waghi.

Tasol fiutsa o bihain bilong dispela tupela provins bai stap long han na save bilong ol dispela yangpela yunivesiti sumating. Poto i soim ol yunivesiti sumating bilong Hela na Jiwaka i bilas long welkamim Praim Minista Peter O'Neill long Yunivesiti bilong PNG (UPNG) long mun Septemba 2011.

Poto: Wantok Niuspepa

ELA POWER

HIGH PERFORMANCE BATTERIES



*One per customer.

Everyone who purchases an ELA POWER Battery this Month will receive a **FREE** exclusive ELA POWER Cap (while stocks last).



NS40*
Battery with Acid

At **K169.**

NS40L*
Battery with Acid

At **K179.**

N40*
Battery with Acid

K179.

N50*
Battery with Acid

At **K209.**

N50L*
Battery with Acid

At **K219.**

N70*
Battery with Acid

At **K279.**

N70L*
Battery with Acid

At **K289.**

Plus!!! Many Other Models

Ela Motors
SERVICE & PARTS

Your First Choice

Call your FIRST CHOICE Sales Team Today

ALOTAU : PH 641 0100
BUKA : PH 973 9915
GOROKA : PH 532 1844
KAVIENG : PH 984 2788

KIMBE : PH 983 5155
KOKOPO : PH 982 9100
LAE : PH 478 1800
LIHIR : PH 986 4099

MADANG : PH 422 2188
MT. HAGEN : PH 542 1888
POM - BADILI : PH 322 9400
POM - WAIGANI : PH 325 7388

PORGERA : PH 547 9367
TABUBIL : PH 649 9060
VANIMO : PH 457 1254
WEWAK : PH 456 2255

www.elamotors.com.pg

Terms & Conditions Apply . Promo Expires : 31 / 12 / 2011.



Lukluk bek long Helt na Edukesen long 2011

Veronica Hatutasi

EDUKESEN:

EDUKESEN wantaim Helt, **Infrastraksa** o rot na bris samting na Loa na Oda, em 4-pela samting we 2012 nesenel baset o mani plen bilong gavman i givim bikipela tingting, lukluk na mani long ol, winim ol narapela eria.

Wantaim moa long K2 bilian Edukesen i kisim long 10.5 bilian Nesenel Baset bilong 2012 mani plen, dispela em i bikipela mani tru we i soim olsem gavman i gat bikipela tingting long lukim ol pikinini bilong dispela kantri i go long skul, kisim gutpela save na kontribiut long developmen na ron bilong kantri.

Dispela manimak bai lukim fri edukesen long kantri i kamap. Em i min olsem ol skul pikinini long Elementeri i go antap long Gret 10 bai no inap long peim skul fi, na em bai rausim hevi we ol papamama i save gat long olgeta yia long painim mani na peim skul fi long ol pikinini bilong ol. Tasol ol papamama i mas tingim olsem sapos ol skul i singaut long ol projek fi long sanapim ol sampela klasrum, haus tisa na ol arapela samting bilong skul, ol i mas redi long givim manimak skul i singaut long en.

Ol sekonderi na nesenel hai skul bai peim 75 pesen taim ol yunivesiti sumatin bai kisim hap skul fi sabsidi bilong ol na tu, aninit long Natskol progrem, ol sumatin bai kisim K30 potnait poket alauwens mani.

Brukim ol manimak long ol eria we Edukesen bai yusim ol mani em i kisim long 2012 baset o mani plen, 2011 Saplimenter baset, 2011 Rikaren Baset na ol Mani Gren bilong ol ovasis developmen patna olsem AusAID, Yuropien Yunien, Nu Silan Aid, Japan, Saina, Wol Benk, Esia Developmen Benk na Yunaitet Nesens.

- Moa long K2 Bilian-Olgeta mani Edukesen i kisim;
- K47 milian- Sapotim fri edukesen skul fi long mekim ol klasrum na ol skul biling, desk, sia, ol buk, pensil;
- K20 milian- UPNG Saiens biling;
- K10 milian- Vudal Yunivesiti laibreri;
- K8 milian-Sapotim skul bilong petro kemikol enjiniering long Yunitik;
- K6.5 milian- Potnait poket alauwens bilong ol UPNG sumatin; na
- K198.8 milian- AusAID i makim gavman bilong Australia i givim aninit long PNG edukesen progrem.

Narapela samting tu we gavman i mekim em long rausim Autkam Beis Edukesen (OBE). Planti lain olsem ol papamama, ol tisa na ol manmeri nating i amamas long dispela bikos ol i tok OBE i bagarapim skul na save long ol pikinini.

Planti lain i tok dispela i mekim



STRAIK BUNG: Dispela em ol eksekutiv bilong Nesenel Doktas Asosiesen i bin go pas long stop wok straik long mun Mas bilong dispela yia bikos ol i no amamas long sampela kondisen long pe, haus na long wokples. *Fail Poto*

na planti sumatin i no kisim gutpela save tasol i skruim skul yet i go, na level bilong save bilong ol i stap daunbilo yet.

Ol ripot long ol fainol skul tes i soim olsem planti sumatin i no mekim gut tumas long riten Inglis bikos long OBE.

Edukesen Minista, Theo Zurenuoc, i tok ol i sanapim wanpela komiti pinis bilong lukluk long rausim OBE na nupela progrem long kisim ples bilong em.

Skul ov Ekselens i narapela samting we Edukesen Dipatmen i wokim ol plen nau long kirapim long dispela kantri.

Olsem na fri skul fi mani em ol bai yusim sampela bilong stretim, mekim gut na sanapim ol nupela skul biling na Nesenel Skul ov Ekselens i ken stat long 2013.

Wanpela senis we nesenel edukesen sistem long kantri i bin lukim em, nupela Edukesen Sekreteri, Dokta Musawe Sinebare, i bin kam insait long kisim ples bilong pastaim sekreteri, Dokta Joseph Pagelio, husat kontrak bilong em i bin pinis.

HELT:

Helt bai stap olsem wanpela bikipela eria we i sevim ol pipel long ol busples, ol viles, taun na siti.

Olsem edukesen, helt i bikipela samting tru long laip bilong olgeta pipel long wanem, em i lukautim laip na sindaun bilong pipel, na mak long kantri i mekim gut, skelim wantaim Pasifik rijen na wol.

Kantri i gat holti populesen i go long skul na i gat save long rit, rait na mekim ol wok bai helpim long ol wok long developim kantri.

PNG i traim hat tru long kamapim gut piksa bilong kamapim gut eria bilong helt na ol

developmen na dona patna i troim bikipela mani long helpim PNG gavman long daunim ol sik we planti pipel long kantri i save dai long en, wantaim HIV na AIDS. Dispela em ol sik olsem malaria, TB, niunionia na HIV na AIDS.

Dispela yia i bin lukim tu Nesenel helt Dipatmen i kam aninit long glas bilong Komisin ov Inkwaيري na painim olsem sampela ol bikman bilong dipatmen i bin stilim bikipela mani.

Task Fos Swip i karimaut ol wok painim na i holim pasim pinis sampela long ol. Dispela kain i wokim na pipel i no save kisim gut ol helt sevis insait long ol rurel eria na tu, long ol taun klinik na haus sik.

Ol ripot we yumi bin lukim na harim long en i tok planti ol helt

biling olsem ol haus sik, helt senta na etpos i bagarap.

Na planti mama i dai yet taim ol i karim pikinini. Na planti pikinini we krismas i stap aninit long 5-pela krismas i go daun long wanpela de na taim mama i karim ol tasol, i wok long dai yet. Dispela i mekim PNG i kamap top long Esia na Pasifik rijen we bikipela mak tru bilong ol mama na pikinini i save dai.

Narapela samting we i no go gut yet na bikipela mani i save lus em long kisim na tilim ol marasin i go long ol wan wan rijen bilong kantri. Long ol ripot, sampela lain i save paulim na stilim ol marasin na salim long mekim mani bilong ol yet. Olsem, na i mas gat gutpela sistem long monitaim salim na tilim

ol marasin i go long ol provins.

AusAID, Yunaitet Nesens na ol narapela dona ejensi i sapotim ol awenes wok na trening moa mid-waif na ol volandia long helpim ol mama i karim bebi, stretim ol haus sik na ol helt senta.

HIV na AIDS long dispela kantri i wok long daunim planti manmeri na pikinini. Olsem na ol dona patna olsem AusAID na Yunaitet Nesens na ol narapela dona na developmen patna i givim bikipela helpim mani long daunim dispela sik.

- Long pinis bilong 2009, samting olsem 35,800 pipel long PNG i gat na i stap wantaim HIV na AIDS;
- Inap long pinis bilong 2009, 11,520 pipel i bin dai long sik HIV na AIDS;
- Samting olsem 5,610 em ol liklik pikinini; na
- Samting olsem 33.3 milian pipel long wol i gat sik AIDS.

Ripot bilong UNAIDS i soim olsem mak long infeksi o pipel i kisim binatang bilong sikj AIDS i wok long go daun na i stap nau long .8 pesen.

Na moa pipel i wok long go kisim helpim na antiretro vairo marasin long helpim ol i stap longpela taim. Tasol wanpela samting we i wok long kontribiut long binatang bilong AIDS i kalap long planti moa na tu, ol lain wantaim AIDS binatang em, pipel i lukluk nogut long ol we PNG i mas traim hat long daunim.

Mak long mani we Helt i kisim long 2012 mani plen:

- Samting olsem K763 milian-em olgeta manimak Helt i kisim long 2012 mani plen;
- K712.5 long rikaren baset;
- K40.7 milian long Developmen baset long stretim, bildim n a kamapim gut ol haus sik biling;
- K10 milian long sanapim ol komyuniti helt pos.



SOT LONG SPES: Sampela mama i sindaun na slip long floa wantaim ol bebi bikos haus sik wod i nogat inap bet long inapim olgeta mama na ol nupela bebi bilong ol. *Fail Poto*

Lukluk Bek Yia 2011 long ol meri insait long PNG?

Wantaim Veronica Hatutasi

DISPELA yia, 2011 i bin wanpela yia we ol meri lida insait long dispela kantri i bin wok hat long olgeta eria bilong laip long traim kamapim gutpela senis long laip na sindaun bilong ol na famili.

Na taim yumi glasim ol meri long grasrut level long ol ples i kam long ol meri long taun i holim ol bikipela wok na skul long ol bikipela skul, yumi luksave long wanpela samting. Long kain taim yumi stap long em tude we i gat ol kain salens ol i kisim, ol i no larim dispela i daunim paia bilong ol. Ol i strongim tingting na wok hat moa yet long mekim samting bai ol yet, ol famili na komyuniti bilong ol i ken kamap gut na tu, lukim senis.

Yumi save olsem bikipela samting ol meri long dispela kantri na moa yet, ol meri lida bilong PNG i bin wok hat long em long kamap long dispela yia em long Palamen i tok oraitim "Ikwaliti na Patisipesen Bil long larim ol meri i gat 22 Risev Sia long Palamen"i kamap loa. Na long nesenel ileksen neks yia, bai i ken gat ol meri i ken kisim ol 22 risev sia na go long haus Palamen long wok wantaim ol man long mekim ol bikipela disisen bilong kantri.

Tasol long las wik Tunde, ol meri i autim bikipela no amamas taim haus Palamen i no kisim inap vot long ol memba long mekim dispela Bil i kamap loa taim ol i sot long 6-pela vot long mekim tu tets meyoriti.

Bikipela mak bilong ol memba long O'Neill na Namah gavman i givim vot, tasol 6-pela i agensim. Ol i tok ol i no wanbel long ol meri i kisim sotkat na go long Palamen long rot bilong 22 Risev Sia, tasol ol i mas resis wantaim ol man na long hatwok bilong ol, ol i ken kisim sia.

Ol memba long kem bilong Se Michael Somare i no vot bikos long ol hevi i stap long politikel level we i no stret gut tumas i kam inap nau bikos Se Michael i tok em i praim ministra long wanem, em i winim kot



MEKIM SAMTING LONG HELPIM OL YET: Sampela long ol Tasion na Gerehu Stes 1 Polis Bareks meri i bin sindaun long wanpela literesi, somap na kuk woksop i greduet na sanap wantaim Megan Sullivan em wanpela wokmeri i makim Dijisel Faundesen husat i bin givim ol sapot. *Poto: Veronica Hatutasi*

long stap olsem praim minista. Tasol long ol meri i noken wari bikos taim Palamen i bung gen long nupela yia, Janueri 13, na kisim vot gen long disapela Bil we planti i bilip olsem bai gutpela sapot i kamap long ol memba long tupela sait wantaim i bung na kisim vot.

Tasol wantaim sapot bilong Yunaitet Nesens na sampela Non Gavman Ogenaisesen, dispela yia i bin lukim ol wok awenes na ol trening woksop long redim ol meri long kliia long ol wok i stap long ol bikipela posisen na wok bilong makim ol meri long haus Palamen.

Gavman i soim gutpela sapot, pastaim long gavman bilong Gren Sif Se Michael Somare, taim gavman bilong em i ranim kantri. Bihain taim gavman bilong Peter O'Neill i stap long pawa stat yet long mun Ogas bilong dispela yia, em i skruim sapot bilong em.

Long mun Septemba long dispela yia, Palamen bilong O'Neill Namah i bin sapotim Ikwaliti na Patisipesen Bil na namba tu taim long Palamen i tok oraitim Bil ya i bin kamap inap long laspela taim we Bil i sapos long kisim tu tets meyoriti o 73 memba long ol Pala-

men memba, tasol i feil taim em i 6-pela memba sot.

Memba bilong Lae, Se Barth Philemon, i wanpela long dispela 6-pela memba long gavman i no givim sapot. Em i tok gavman bai westim bikipela mani tru long kamapim 22 nupela sit. Dispela mani, em i tok, gavman i ken yusim long givim helt, edukeesn, rot na bris sevis. Em na ol narapela 5-pela memba i tok tu olsem ol meri i mas kamap olsme Dame Carol Kidu na sanap long ileksen na resis long go insait long Palamen.

Hia em ol tingting bilong wanpela save meri i save wok long eria bilong ol meri na ol yangpela.

"Planti ol toktok i go na i kam na tok ol meri i bihainim isi rot wantaim risev sia, tasol bikipela samting em, yumi mas glasim tingting na lukim olsem sapos yumi gat ol risev sitabilong ol meri, i no ol meri tasol bai lukim na kisim gutpela samting. Olgeta pipel long kantri.

Taim ol meri i stap long level bilong mekim ol disisen, ol famili i helti i gat moa gutpela kaikai na seving na invesmen bilong ol i go antap. Na i wankain long ol komyuniti na ol kantri.

Wantaim ol meri long haus Palamen, bai sampela senis i kamap long nesenel level. Wanpela risets we Senta bilong ol Meri Amerika long Politikis i bin karimaut long 1998 i bin glasim ol meri na man i holim bikipela wok long pablik opis i soim olsem ol bikipela eria we ol meri i strongim wok long ol em long helt kea, ol pikinini, haus-ing, edukesen

na ol lapun.

Bihainim dispela risets, yumi lainim olsem moa meri long politikis i wokim bikipela senis. Planti pipel long PNG i wok long krai long kain haus we ol inap long baim na stap long en, gutpela helt sevis na edukesen long ol pikinini bilong yumi, sefti na sekyuriti na sans long wok na lukautim yumi yet na famili. Tasol ol lida bilong yumi i no harim ol krai bikos ol nogat bikipela intres long ol dispela eria bilong ol meri.

Sapos yumi laik lukim senis long rot gavman bilong yumi long PNG i wok na edresim ol samting, i moa-beta long yumi putim moa meri i go long haus Palamen,"meri ya i tok.

Long helt bilong ol meri na pikinini, PNG i gat bikipela wok yet long mekim na em bai kamap long wanpela gutpela mak bikos long nau, PNG i winim olgeta kantri long Pasifik rijen long gat bikipela mak bilong ol meri i dai taim ol i karim bebi na tu, bikipela mak bilong ol pikinini long wanpela de in ap long 5-pela yia i save dai long ol sik we ol i no inap dai long en. Ol han bilong Yunaitet Nesens long PNG wantaim AusAID i givim bikipela mani na risos sapot long helpim

PNG gavman na kamapim ol program, wok na awenes long tanim i kamap gut dispela mak na piksa nogut long PNG na moa mama na pikinini i ken stap laip.

Vailens agensim ol meri o pasin long paitim nogut, repim na bagarapim ol meri i narapela bikipela hevi long PNG we ol meri i save kisim birua long ol insait long famili na ol haus lain.

Ol ripot I soim olsem long dispela taim, pasin long bagarapim ol pikinini meri I wok long kamap bikipela we ol papa, ol ankel na ol lain we I sapos long lukautim ol pikinini, I save kamapim.

Mak long HIV na AIDS long ol meri i save go antap bikos long dispela. Olsem na ol han bilong Yunaitet Nesens long PNG, AusAID na ol dona patna i putim mani na risos long ranim ol program long strongim ol meri i save long ol rait bilong ol na tu, go long skul bikos taim ol i gat save, ol bai mekim samting long lukautim ol yet gut na ol pikinini bilong ol. Bai kisim taim long ol man long dispela kantri i luksave olsem ol meri i gat wankain rait olsem ol na tupela wantaim i sanap long wankain level.

Ol meri PNG i ken amamas, maski sampela samting ol i laikim i no karim kaikai yet.

Planti ogenaisesen i givim luksave long ol meri na ol gutpela wok ol i mekim insait long ples, ol ruel eria, komyuniti na kantri.

Wanpela long ol ogenaisesen em Siti Famasi Limitit (CPL) we olgeta yia, em i ranim resis ol i kolim "Prait ov PNG Awot. Long 4-pela yia taim CPL i statim resis, 6-pela meri i save winim prais long kamap gut tru long 6-pela eria we ol i ranim ol resis long en.

Narapela em Westpek Bisnis meri bilong yia awod we wanpela meri PNG i save win olsem meri i gat bisnis na em i ranim, menesim na bihainim gutpela rot long ranim, lukautim na givim gutpela sevis long pipel na komyuniti.

Wantaim ol gutpela samting i wok long kamap long sait bilong ol meri, i moa gutpela long ol i holim hetg bilong ol i go antap long strongim na skruim ol wok bilong ol i go moa yet.

GLOBE

....the perfect choice

VITAMIN ENRICHED

More Easy, More Tasty, More Healthy.



ZENAG CHICKEN

Zenag Chicken ilaik wisim ol gutpela kastoma bilong em ...

Krim

“meri krismas na

hepi niu yia 2012!”

Zenag Kakaruk Pamkin Na Beikon Keserol



Zenag Gutpela Omelet

ROT BILONG KUKIM ZENAG KAKARUK:

- ❑ Katim Zenag kakaruk brest igo liklik. Kukim oil insait long praing pen na kukim wan wan sait bilong kakaruk inap ol dispela wan wan sait ikuk gut stret na kala bilong em ikamap braun. Taim wokim dispela pinis, putim kakaruk insait long wanpela beiking dis na putim long sait.
- ❑ Katim anyon igo liklik na praim insait long oil wantaim beikon na galik inap smel bilong kaikai ikamap strong. Rausim long hit na tanim insait long pamkin, krim bilong kakaruk sup miks na wara. Boilim inap 7pela minits inap olgeta ingridiens imiks gut.
- ❑ Nau, adim kumu na boilim inap 3pela minits. Adim ol sison kain olsem sol na pepa bilong mekim flewa long kaikai. Putim wanpela pasli antap long bilasim dis kaikai na sevim olsem keserol o bikpela dis kaikai.

Kakaruk: Zenag Chicken BREASTS 700 grem

Kumu na frut: 1pela slais anyon, 1pela tsp galik,
½ pamkin katim igo liklik kiub, 1pela bandel choko tips, silvabit
na 1 tsp pasli.

Flewa na sison: 2pela beikon, 2pela kap wara,
45 grem krim kakaruk sup.

Taim bilong kuk: 35 minits tasol



*Kukim naispela kaikai bilong
famili bilong yu long dispela
krismas na niu yia wantaim
Zenag kakaruk kukbuk.*



ROT BILONG KUKIM ZENAG KIAU:

- ❑ Hitim oil insait long traipela praing pen.
- ❑ Adim anyon, tromoi sampela drai 'thyme' lip, sol na pepa. Praim gut inap long 1pela minit o inap anyon ikuk gut. Miksim insait long tomato na sisonim long mekim teis ikamap moa swit. Taim wokim dispela pinis, karamapim na putim long sait.
- ❑ Nau, miksim chis isigirap pinis igo insait long Zenag kiau.
- ❑ Kapsaitim dispela kiau miks igo antap long anyon na kukim gut inap long 5 – 10pela minits inap omelet kuk gut na antap bilong en iluk wet liklik.
- ❑ Tanim na apim ol sait bilong omelet klostu klostu long mekim kiau istap iwara wara yet long kapsait igo daun long as bilong omelet na iken kuk gut long dispela taim.
- ❑ Sevim na katim igo kamap liklik na redi long kaikai.

Kiau: 6pela Zenag kiau sais 55 grem

Kumu na frut: 6pela tomato, katim longpela longpela,
1pela anyon (katim pinis), tsp drai 'thyme' lip.
Flewa na sisoning: 2pela tbsp kuding oil, ¼ kap chis ("cheese")
(isigirap pinis), sol na pepa bilong wokim teis.

Taim bilong kuk: 15 minits tasol



Visitim wanpela bikpela stoa klostu long yu na hariap baim wanpela kopi bilong dispela Zenag kakaruk kukbuk oli kolim "Our Recipes, Our Ingredients."

Ol isalem nau long ol stoa kain olsem Anderson's Lae na Mosbi, Brian Bell Lae na Mosbi, Theodist Lae na Mosbi na tu long ol arapela bikpela stoa insait long kantri.

Glasim wok bilong ol sios long 2011

wantaim Veronica Hatutasi

OL sios long PNG i stap nau long nupela mak long putim han wantaim na wok patna long ol bikpela eria na dispela em i bikpela samting

Ol i sanap wantaim na wok bung nau long edresim ol bikpela samting na ol wari na hevi i wok long kamap long kantri bilong yumi.

Dispela i kamap moa yet long eria bilong HIV na AIDS, taim hevi i kamap long politikel lidasip olsem long dispela taim, na long ol narapela eria moa.

Ol i mekim ol dispela, antap long wok bilong autim Gutnius, givim spiritual stia na bihainim gutpela pasin skul na stiaim ol sios kongriksen bilong ol long kamap ol gutpela manmeri husat i gat luksave long Bikpela olsem em i go pas long laip bilong ol. Na long kisim ol sevis olsem edukesen na helt i go aut long ol pipel long taun na long ol longwe bus ples we i no save lukim na kisim gavman sevis.

Insait long laspela foapela mun i kam inap nau taim kantri bilong yumi i stap long politikel lidasip hevi, ol sios i wari long pipel na kantri, na askim ol lida long stopim ol kropsait namel long ol, stopim pasin bilong stilim na yusim krangi mani, na tingim pipel ol i makim long haus Palamen. Ol i askim ol Kristen manmeri long pre strong long ol politikel lida na God i ken givim ol gutpela save long sevim ol pipel, na i no spirit bilong pawa.

Nau yet, planti pipel i paul long husat tru i praim minista bilong yumi long PNG long wanem, Palamen i tok oraitim na bihain, Gavana Jenerel Se Michael Ogio i tok oraitim tu, Peter O'Neill, i toke m i praim minista. Na Kot i tok oraitim olsem praim minista, Se Michael Somare, i strongim sait bilong em na tok em m i trupela praim minista.

Long Novemba 12, Pater Victor Roche SVD em Jenerel Sekreteri bilong Konferens bilong ol Katolik Bisop bilong PNG na Solomon Ailan (CBC), i bin wokim wanpela stetmen i autim wari bilong ol bisop long hevi namel lonmg eksekutiv na judisel han bilong demokretik di-visen bilong pawa aninit long Mama Loa bilong dispela kantri.

"Mipela i askim ol lida bilong yumi long karimaut wok bilong ol long stretpela rot na pipel i ken gat bilip long lidasip long kantri bilong yumi. Mipela i askim ol lain i stap insait long hevi nau long putim belisi pasin i go pas long gutpela bilong pipel, na i no long intres bilong wan wan man tasol," Pater Victor i tok.

Em i tok Mama Loa bilong kantri i luksave na putim tripela hanm bilong gavman i mas stap ol yet na wok long gutpela bilong pipel na kantri. Em long Palamen, Eksekutiv na Judiseri we wanwan i in-dipenden, tasol long politikel hevi namel long Peter O'Neill na Gren Sif Se Michael Somare, i tok ol i praim minista, tupela han bilong gavman i stap long hevi tu.

Pater Victor i tok politiks na gava-nens i stap long lukautim gutpela bilong pipel na kantri na pipel. Taim politiks na politikel pawa i stap long sevim pipel, em i gutpela wok, tasol taim ol lida i yusim politiks na pawa long ol na ol poroman bilong ol i



GIVIM BILONG HELPIM: Ramu Suga Nikel i givim ol marasin long Gaubin Helt senta long Karkar Ailan, Madang provins. Luteran Sios i papa bilong Gaubin Helt senta na i sevim moa long 60,000 pipel.



KOMYUNIKESAN KAM GUT LONG BEREINA: Bisop Rochus Tatamai bilong Bereina Daiosis na Kairuku Hiri MP, Paru Aih, i katim riben long taim bilong kisim Kundu TV sevis i go long Bereina. *Poto: Veronica Hatutasi*

kisim ol gutpela samting, pipel i nogat bilip long ol na yumi kisim ol liklik grup i tingim stap na holim pawa bilong ol yet, na dispela i nogut.

Em i tok kantri i stap pinis long hevi bilong korapsen, planti pipel i kamap ol turangu, nogat wok, hevi long loa na oda na planti moa, na em i no taim bilong pait long politikel pawa na kamapim moa hevi.

Long las wik Trinde, Asbisop bilong Rabaul, em Francesco Panfili SDB, long wanpela stetmen i bin tok Katolik Sios i wari long welfea bilong ol liklik pipel husat i kisim hatpela taim long taim ol kain hevi i kamap.

"Kantri i stap long hevi na sios i wari long welfea bilong ol liklik pipel long dispela kantri, tasol mi laik autim tok amamas bilong mi long pipel i stap isi taim politikel hevi i kamap.

"Mipela i askim strong ol pipel long stap isi na luksave long loa olsem rot we i lukautim yumi. Mipela i singaut long ol politikel lida long tingim pipel pastaim ol i tingim ol yet na politikel wok bilong ol. YUmi olgeta i mas pre long kisim bel isi, daun pasin na sekan," Asbisop Panfili i tok.

Em i tok Suprim Kot disisen i kliarim pinis Se Michael Somare we i soim olsem nogat man inap pilai wantaim Mama Loa bilong yumi.

Em i tok long dispela, Mama Loa na i no ol namba, i wokim disisen long wanem samting i stret o rong.

Tasol em i tok samting i kamap bihain tasol long disisen bilong kot i ken kam apim birua na asua i stap long Spika bilong Haus, husat i mas ansa long samtign em i mekim.

"Yumi laikim tupela sait long politiks i mas sindaun na stretim ol samting. Em i moa gutpela long tingim helt bilong em na long intres bilong kantri, long Se Michael Somare i lusim politiks na larim nupela gavman aninit long loa, i sanap na mekim wok long ranim kantri. Olsem hap long politikel rot long stretim hevi, i moabeta tu long Spika i lusim wok long wanem, em i kamapim pinis bagarap long kantri," Asbisop Panfili i tok.

Long wankain taim, Modereta bilong Yunaitet Sios, Reveren Se Samson Lowa, i askim pipel bilong dispela kantri long strongim lotu na stap wantaim belgut taim kantri i stap long hevi bilong politikel, judiseri (loa) na eksekutiv gavman

Em i tok olsem bihain long

Suprim Kot disisen i bin putim Se Michael Somare olsem praim minista tupelo wiki go pinis.

"Yumi mas strongim bilip na stap wanbel," Reveren Se Samson i tok.

"Kantri i mas kirap na luksave olsem dispela em ol spiritual hevi we yumi pait long en long lejisletsa, judiseri na eksekutiv gavman system long demokresi bilong yumi. Man nogut, Satan, i kam long kilim na bagarapim yumi," Reveren Se Samson, i tok.

Em i tok yumi noken givim Satan spes long bagarapim yangpela demokresi billong yumi.

"Sapos yumi ol lida i wokim asua, yumi mas daunim yumi yet na autim ol samting i no stret yumi wokim na bai yumi kisim strong long givim gutpela lidasip long pipel we disisen bilong Suprim Kot i wokim.

Em i strongim pipel long long pre kisim strong long Bikpela husat i kontrolim olgeta samting, maski yumi ting olsem yumi nogat kontrol moa.

"Sapos yumi tok yumi wanpela Kristen kantri, i moabeta yumi mas gat bilip long Bikpela long dispela taim ol bikpela politikel hevi i stap wantaim yumi," Reveren Se Samson Lowa, i tok.

Bisop Peter Ramsden bilong Angliken Sios long Pot Mosbi Daiosis i tok yumi mas harim Gutpela toktok bilong Krismas we i tok God is tap wantaim yumi long dispela taim kantri i bungim hevi long politikel sait.

Long Krismas toktok bilong em, Bisop Peter i tok long Krismas taim, ol Kristen bai tingim gutpela piksa long Betlehem we Gutnius bilong Luke i stori long mama i karim nupela bebi na man bilong em i lukautim tupela i stap.

Bisop Peter i tok wol i narakain nau bikos taim yumi selebretim Krismas, hevi na pait i stap long olgeta hap bilong wol we ol famili i bruk i stap.

"Planti komyuniti long PNG i bungim tu ol hevi we i ekn bagarapim tu ol famili. Pipel i wari long sefti bilong ol pikinini na ol yet. Olgeta dispela wari i soim olsem yumi mas harim mesej bilong Krismas gen bikos dispela mesej i gutpela nius bilong olgeta manmeri na pikinini long dispela wol," Bisop Peter i tok.

Insait long ol Krismas toktok bilong em, Asbisop John Ribat bilong Pot Mosbi Katolik Asdaiosis, i tok nau, yumi lukim bikpela hevi long Mama Loa i wok long kamap long

gavman bilong yumi we yumi gat tupela praim minista na tupela polis komisina. Dispela i mekim pipel i paul, na i no gutpela long demokretik sistem bilong yumi.

"Dispela developmen i singautim ol lida bilong yumi long bihainim loan a wok strong long lukautim Mama Loa bilong kantri, maski wanem samting i kamap. Dispela samting i mekim kantri i wari na yunait long prea long Bikpela i ken kam insait long helpim stretim dispela hevi long politikel sait.

"God i bin kam olsem lait bilong wol na lait bilong em i ken rausim tudak long tingting na gutpela tok tok bilong em i ken kamapim bel isi long lewa bilong olgeta," Asbisop Ribat i tok.

Asbisop Ribat i amamas long gutpela wok bung we ol Kristen sios i gat long daunim ol hevi we kantri i bungim long sosel na loan a oda sait, HIV na AIDS, edukesen na helt na ol narapela eria moa.

"I gat gutpela wok bung i kamap nau namel long ol Kristen Sios long dispel kantri.

"Ol i kamapim nupela bodi we i bungim ol wan wan sios na kongriksen long wok wantaim. Ol i kolim dispela bodi long "PNG Kristen Lidas Alaiens (PNGCLA).

"HIV na AIDS em dispela birua sik i bungim wantaim ol Kristen Sios wantaim long sanap wantaim na edresim birua sik ya.

"Ol Kristen lida long PNG i luksave long HIV na AIDS olsem wanpela spesel kruse we yumi mas karim long dispel taim yumi stap long en. Sik ya i kamapim hevi long ol family, kalsa, sosel, wok mani, stap namel long ol manmeri, ol marit na famili laip. Rispons bilong yumi long ol lain i gat HIV na AIDS em long kamap olsem ol "Gutpela Samaritan" we i soim laik pasin bilong ol Kristen na sakrifais," Asbisop Ribat i tok.

Long sait bilong helt na edukesen na komyunikesen, ol sios i strongim yet wok bilong ol long kisim ol sevis long tupela eria i go long ol pipel long ol longwe ples we gavman i no go long em na tu, long sapatim na wok patna wantaim gavman long kamapim moa teseri institusen olsem ol yunivesiti, ol tisa kolis, ol komyuniti kolis na moa, na moa pikinini i ken go long skul.

Ol sios i lukim olsem komyunikesen em i bikpela eria bai helpim ol long wok bilong ol, na sampela bilong ol olsem Katolik Sios i kisim komyunikesen na infomesen teknoloji long ol wokples, peris na daiosis bilong ol.

Ol sios long PNG i stap nau long nupela mak long putim han wantaim na wok patna long ol bikpela eria na dispela em i bikpela samting. Luksave na helpim long dispela i kamap na i gat Sios Patnasip Program (CPP) we 7-pela sios i save kisim bikpela mani helpim long AusAID we ol susa sios na ogenaísesen bilong ol long Australia i save helpim ol long menesim na kamapim ol program long helt, edukesen na HIV na AIDS na ol narapela moa.

Why the political power and money game?

THE PNG Constitution, just like any other written constitution, is a political document that has the force of law.

You can compare our constitution with the Book of Genesis.

Where Genesis is all about creation of the world, our constitution is firstly about creation of a nation, and how the nation must conduct its business of government. In effect the constitution is a code of rules.

Let us take the game of soccer for instance. In a soccer game, there is the referee, who controls the game to ensure that the game is played by the rules. In our case as a nation, we have the judges who play basically similar roles as the referee. And whereas the referee is there to ensure that the soccer players comply with the rules of the soccer game, our judges are there to ensure that we the people conduct ourselves in the manner stipulated by the law.

What has happened to our nation just recently, is that we have two groups of politicians each claiming that it is the lawful government of Papua New Guinea.

Sir Michael's group was ousted by Parliament on 2/8/11 and a new Prime Minister was elected thus giving creating the second group, namely, the O'Neill-Namah group. Following that event, the Somare Group took the matter to the Supreme Court and asked the Court to decide if what Parliament did on 2/8/11 was constitutional or unconstitutional.



The Supreme Court Application was filed on 5/8/11 and all the parties to the case concluded their submissions or arguments on the 28/10/11. And the Court was adjourned to 9/12/11 for the five senior judges to make their decision or ruling. Thus, by the time the decision was handed down on 12/12/11 the O'Neill-Namah government had been in power for over 4 months.

The Supreme Court ruled that the lawful Prime Minister was Sir Michael Somare. And the Court also ruled that Peter O'Neill's appointment was unconstitutional. The Court was split 3 in favour of Sir Michael and 2 against. The 2 judges against Sir Michael are Gibbs Salika, the Deputy Chief Justice, and Bernard Sakora, a Senior Judge.

Salika DCJ argued that the NEC was largely at fault in keeping Parliament and the public at large in suspense over the matter of Sir Michael's health so what Parliament did on the 2/8/11 was somewhat justifiable. His Honour did not attend to the legal issues raised in the Application. Rather His Honour's decision is more like the political views expressed by the O'Neill-Namah group. Had his Honour concentrated strictly on the legal issues raised, he would have come to the

same conclusion as the other 3 judges.

And as for Judge Sakora, his argument was largely that the events of 2/8/11 had come and gone and a new order was in place so that the Court should not dwell on the events of 2/8/11, but look beyond that to recognize the new order of things, namely, that there is a new government in place. Thus, he relied on the legal principle of state necessity to allow the new government to remain in power.

Thus, judge Sakora said this has happened in some African countries and Pakistan where a illegal government takes over power and the legal system accommodates that government because the new government is in effective control of the institution of state and the machinery of government.

Again Sakora J did not attend to the legal issues raised in the Application. He appeared to have glossed over the issues and concentrated on justification for allowing the new regime to remain in power. Had he concentrated on the legal issues, he would have come to the same conclusion as the other three judges, Injia CJ, Gavara-Nanu J, and Kirriwon J.

The above three judges concentrated on the legal issues raised namely, whether the creation of a vacancy in the Office of the PM was in compliance with the constitution, and secondly, whether the appointment of Peter O'Neill as the new PM was also in compliance with the Constitution. And on both these issues the three judges made the

ruling that Parliament had no power under the constitution to create a vacancy in the Office of the PM where there is an existing PM and in his absence, there is a lawfully-appointed Acting PM, therefore the appointment of Peter O'Neill was null and void and of no legal force and effect.

However, the final orders issued by the Supreme Court was the orders of the Supreme Court and that means the full court comprising the five judges. And the principal order was that Sir Michael Somare should be reinstated forthwith and Peter O'Neill should also vacate the Office he was holding illegally. However, Parliament responded by passing a law that said the events of 2/8/11 were legal and not illegal. And in case there was any doubt, they re-elected O'Neill as the PM.

The new law passed by parliament is of doubtful legal effect, in that again the constitution may have been violated in parts, because parliament cannot pass an ordinary legislation to have the effect of a constitutional amendment. In order to amend the constitution, parliament must pass a law called a constitutional amendment by following the procedures set down in the constitution. However, it would appear that the Somare camp is not taking the matter back to the Courts because the situation now is that the O'Neill government does not intend to give up power that easily and will do anything and everything under the sun to remain in power.

And what is the driving force behind this political and legal turmoil in this country.

Behind all this political crises is the politician's desire to wield power over others, accessing the National Treasury for funds to conduct their election campaign for next year, and the perks of office.

Yes, the O'Neill government dished out K500 million in 90 days after taking Office but we do not have any information on the recipients and what that vast sum of money was for. And they continue to hand out large sums of money and that leaves people wondering if it all boils down to a money-game waged by both sides.

Whatever the political game is, we must not lose sight of the fact that we have a written constitution which provides the framework within which the game of politics must be played. And then we have the judges who must play the role of a referee to ensure that the game follows the rules.

In that sense, we insist that the judiciary must not be attacked publicly for that role it has to play under the constitution.

Above all, the constitution must be respected.

If you want to change the constitution, then you must follow the procedures set down in the constitution to amend the constitution.

All governments must respect the constitution and all constitutional office holders.

Watpo na i gat politiks pawa na mani pilai?

PNG Konstitusen o mama loa, wankain olsem ol arapela konstitusen long wol we ol i raitim, em i wanpela politikal dokumen o pepa we i karim strong bilong loa.

Yu ken lukim konstitusen bilong yumi, wankain olsem Buk bilong Jenesis.

We Jenesis i stori long kamap bilong wol, konstitusen bilong yumi, i stori long kamap bilong wanpela kantri, na we dispela kantri i mas mekim wok gavman bisnis bilong en. Em nau, konstitusen em i wanpela lain rul o loa bilong bihainim.

Yumi lukluk long pilai soka. Long wanpela soka gem, i gat wanpela refri, husat i save kontrolim gem, bai gem i pilai bihainim ol rul bilong pilai. Long sait bilong kantri bilong yumi, mipela i gat ol jas husat i mekim wankain wok olsem refri. Na we refri i stap bilong stiaim ol soka pilaia long bihainim stret olgeta rul bilong soka gem, ol jas bilong yumi i stap long stiaim ol pipel bai ol i bihainim stret pasin i stap long ol loa bilong yumi.

Samting i kamap long kantri bilong yumi, em mipela i gat tupela grup politisen, we wan wan i wok tok olsem ol i tru tru gavman bilong Papua Niugini.

Grup bilong Sir Michael em ol i bin lusim Palamen long 2/8/11, na palamen i votim nupela praim ministra, na grup bilong O'Neill na Namah i kamap. Bihainim dispela, Somare Grup i kisim ol arapela i go long Suprim Kot, na askim Kot long sekim sapos samting Palamen i mekim long 2/8/11 i bin bihainim konstitusen, o nogat.



Suprim Kot Aplikesen, ol i failim long 5/8/11, na olgeta lain long dispela kot i pinisim ol sabmisen o kes bilong ol long 28/10/11. Kot i malolo i go inap 9/12/11, we faivpela sinia jas i mekim disisen o ruling bilong ol. Long taim dispela disisen i kamaut long 12/12/11, O'Neill-Namah gavman i lukautim kantri moa long 4-pela mun pinis.

Suprim Kot i mekim rul olsem tru tru Praim Minista, aninit long loa, em Sir Michael Somare. Na Kot i mekim ruling tu olsem makim bilong Peter O'Neill, i no bihainim konstitusen. Kot i bin bruk, 3 i tok yesa long Sir Michael, na 2 i go agensim dispela luksave.

Tupela jas i go agensim Sir Michael, em Gibbs Salika, husat em i Deputi Sif Jastis, na Bernard Sakora, wanpela Sina jas.

DCJ Salika i tok NEC i bin asua taim em i no tok klia long Palamen na pablik long helt sindaun bilong Sir Michael, na samting Palamen i mekim long 2/8/11 i bin gat as bilong en. His Ona i no bin lukluk long ol ligel isiu i kamap long dispela Aplikesen. Disisen bilong His Ona i moa wankain olsem ol toktok i kam long grup bilong O'Neill-Namah.

Sapos His Ona i bin lukluk tasol long ol ligel isiu i kamap, em bai painim wankain luksave na tingting

olsem ol arapela tripela jas.

Na Jas Sakora, tingting bilong em i bihainim moa olsem ol samting i kamap long 2/8/11, i kamap na i go pinis, na nupela oda nau i stap, bai Kot i noken lukluk tumas long ol samting i kamap long 2/8/11, tasol lukluk i go moa long luksave long dispela nupela oda, na moa yet, olsem i gat wanpela nupela gavman i stap pinis. Olsem, na em i lukluk long dispela loa astingting bilong 'state necessity', long larim nupela gavman i holim wok i stap.

Olsem na Jas Sakora i tok dispela i no kamap long sampela Afrika kantri na Pakistan, we wanpela ilegal gavman i kisim pawa na ligel o loa sistem i luksave long dispela gavman, bikos nupela gavman i bosim gut stet na masin o olgeta opis bilong gavman.

Em nau, Jas Sakora i no bin lukluk long ol ligel isiu i kamap long dispela Aplikesen. Em i lukluk abrusim tasol, na lukluk moa long astingting bilong larim nupela gavman i stap long opis. Sapos em i bin lukluk long ol ligel isiu, em bai kamap long wankain astingting na luksave olsem ol arapela tripela jas, Sif Jastis Injia, Jas Gavara-Nanu, na Jastis Kirriwon.

Dispela tripela jas i bin lukluk long ol ligel isiu i kamap bihainim, sapos kamap bilong vekensi o spes long Opis bilong PM i bihainim stret konstitusen, na namba tu, sapos makim bilong Peter O'Neill olsem nupela PM i bihainim stret Konstitusen, o nogat. Na long tupela dispela samting, ol tripela jas i mekim ruling olsem Palamen i nogat pawa, aninit long

konstitusen, long kamapim wanpela vekensi long Opis bilong PM, we i gat wanpela PM i stap yet long en, na taim em i no stap, i gat wanpela Ekting PM i stap, olsem na makim bilong Peter O'Neill i nal-en-voit, na i nogat strong na luksave aninit long loa.

Tasol, ol fainal oda i kam long Suprim Kot em ol oda bilong Suprim Kot, na i makim ful kot long olgeta faivpela jas. Na principal oda i tok Sir Michael Somare i mas kisim bek sia bilong em olsem praim minista, na Peter O'Neill i mas lusim Opis em i holim. Tasol, Palamen i bekim na tok oraitim wanpela lo we i tok ol samting i kamap long 2/8/11, i bihainim loa, na i no asua. Na sapos i gat sampela tubel tingting yet, ol i votim gen O'Neill olsem PM.

Nupela loa palamen i tok oraitim i gat askim yet aninit long loa, na dispela gen i kam aninit long konstitusen, na i ken i gat asua long en, bikos palamen i no inap long tok oraitim wanpela lejislesen long kamapim wanpela konstitusenamen. Long senisim konstitusen, palamen i mas tok oraitim wanpela loa, ol i kolim wanpela konstitusenamenamen, taim em bihainim ol rot i stap long konstitusen. Tasol i luk olsem Somare kem i no go bek long Kot, bikos nau, O'Neill gavman i tokaut pinis olsem ol bai no inap lusim opis, na bai ol i mekim olgeta samting aninit long san long holim pawa yet.

Na wanem samting i stap long as tru long dispela politikal na ligel hevi long dis-

pela kantri.

Baksait long olgeta dispela politiks, em i laik bilong politisen long holim pawa moa long ol arapela, long gat bikpela rot bilong kisim na yusim ol mani bilong nesenel tresari bilong sanapim ileksen kempen bilong ol neks yia, na tu, ol gutpela kam wantaim ol opis bilong gavman.

Yes, O'Neill gavman i tilim K500 milian pinis insait long 90 de bihain long ol i winim gavman, tasol mipela i nogat stori long husat i kisim dispela mani, na wanem wok ol i mekim wantaim ol dispela mani.

Na ol i go het yet long tilim ol bikpela hap mani, na dispela i larim pipel i wok long tingting sapos olgeta dispela kros pait i go kam, i kamap bihainim laik bilong ol long mani tasol.

Maski wanem kain politiks pilai, mipela noken lusim luksave olsem mipela i gat wanpela konstitusen ol i raitim, we i givim fremwok insait long we politiks pilai i kamap.

Na mipela i gat tu ol jas husat i mas mekim wok refri bai pilai i bihainim stret olgeta loa bilong pilai.

Long dispela sait, mipela i tok olsem judisari i noken kisim sutim tok long pablik, long wok bilong em aninit long konstitusen.

Antap moa long olgeta dispela, konstitusen i mas i gat luksave.

Sapos yu laik senisim konstitusen, orait, yu mas bihainim olgeta stia i stap insait long konstitusen long senisim konstitusen.

Olgeta gavman i mas luksave na rispektim konstitusen na olgeta konsitusen opis wasmanmeri.

TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Kampani i stopim wok maining long Indonesia

WANPELA risos kampani bilong Australia i stopim pastaim ol wok maining insait long Indonesia, bihain long tripela pipel husat i protes agensim main, i bin dai.

Dispela kampani, Arc Exploration, i advaisim pinis ol seaholda bilong en long Stok Eksens long ol i stopim wok bilong painim gol long ailan bilong Sumbawa.

Long Sarere, polis i bin sut i go long wanpela grup i holim protes, na kilim tripela bilong ol.

Tokaut bilong ol i tok, taim Arc Exploration i no brukim wanpela loa na laisens agrimen, kampani i stopim wok long Bima projek i go nap ol i stretim ol hevi long hap.

Wanpela mausman bilong Indonesia polis i tok sampela polis i bin yusim nating strong bilong ol i go long dispela protes bung.



Ol Not Korea i krai...

OL manmeri bilong Not Korea i krai long lida bilong ol, Kim Jong-il long Kumsusan Memorial Pales long Pyongyang long dispela piksa long Tunde dispela wik.

Laip volkeno i pairap long Indonesia

WANPELA long ol laip volkeno bilong Indonesia nau i bin pairap.

Maunten Lokon long Sulawesi Ailan i bin pairap na salim ol das i go antap na mekim ol viles pipel i pret.

Wanpela gavman volkenolojis i tok win i bin karim das i go antap faivpela kilomita nau i go long ol viles long is na not is, we tenti tausen pipel i save stap.

Tasol i kam inap nau, ol i no givim yet tokave long muvim pipel aut.

Moa long faiv tausen pipel ol i bin putim ol long ol selta long sot-pela taim, taim volkeno i bin pairap long mun Julai.

Duk i malolo long haus sik bihain long operesen

LONG Yunaitet Kingdom, Duk bilong Edinbra, i bin lusim narapela nait, em foapela nau, long haus sik, taim em i wok long kamap orait gen bihainim sampela liklik operesen long hat bilong en.

Man bilong Kwin, krismas bilong em nainpela-ten (90), ol i tok em i

stap gut tasol, na em i laikim tru long bung wantaim famili bilong em long Sandringham House.

Helikopta balus i bin karim Prins Philip i go long haus sik long wik i go pinis, bihain long em i bin pilim pen long bros bilong em na ol i putim wanpela koronari stent insait long em.

Bot Sparta i bin gat tupela hul

OL I painim gen narapela hul, em namba tu long wanpela fising bot bilong Rasia em i bagarap long Antaktik Solwara.

Tasol ol lain bilong reskiu o halivim, i tok ol i wok long mekim sampela samting long wokim gut bagarap, long dispela bot, Sparta, na ol i ting em bai ken stat sel gen pastaim long Trinde.

Dispela bot Sparta na ol boskru bilong em, em olgeta tripela-ten tu ol i bin stap klostu long Antaktik ais self, na i bin hat long ol long lusim dispela hap, stat long ais i brukim bodi bilong bot, na wokim gul long en 11-pela de i go pinis.

Ol strongpela ais i bin stopim ol narapela bot em i bin stap klostu long em na givim em halivim.

Ol pam na fiul em Nu Silan Efos Hercules balus i bin dropim, i

halivim long mekim dispela bot Sparta long stap antap long wara inap wanpela Saut Korea sip bilong brukim ais i bin go kamap long Krismas de wantaim ol masin long hariapim wok bilong wokim gut bot.

Australia nevi i laik rikrutim ol nevi opisa bilong UK

AUSTRALIA Difens Asosiesen i tok em i no nupela samting long Australia i kisim o rikrutim ol nevi opisa, man na meri i kam long Briten.

Wanpela mausman bilong Royal Australia Nevi i tok ol i wok long lukluk long kisim ol Britis nevi opisa.

British Difens fos i pinisim ol long wok, bilong daunim namba bilong ol nevi opisa long ol fos bilong en long wanem ol i bringim hevi long dispela wol fainensal kraisais.

Asosiesen Sif Eksektiv Niel James, i tok Australia nevi i gat hevi, ol i sot long sampela spesolais skil o save, em bikos maining indastri i wok long kisim ol.



Pas long ais

RESKIU sip Sparta i bin pas long ais na Krismas de stret, ol i kisim halivim long wanpela sip bilong Korea, ol i save yusim long brukim ais.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

Yumi inapim salens bilong demokrasi, o nogat?

SAPOS i gat wanpela yia long kantri bilong yumi Papua Niugini, we yumi bin bungim bikpela salens long pasin demokrasi yumi gat, em i bin dispela yia, 2011.

I tru olsem taim indipendens i kam painim yumi long 1975, ai na tingting bilong yumi i bin pas bihainim stail, na pasin bilong Australia.

Tasol wan wan ol strongpela PNG manmeri i bin pait strong long makim kos bilong yumi olsem kantri, na nau long dispela yia, yumi bungim wanpela bikpela taim bilong senis long pasin politiks long kantri.

Long kirap bilong dispela yia, planti samting i no bin sindaun gut.

Na bikos planti samting long

kantri i save ron bihainim sindaun bilong politiks, kantri i lukim gavman bilong Gren Sif Sir Michael Somare i bungim taim nogut.

Bihain long ol lain oposisen, aninit long stia bilong Sir Mekere na Sir Julius Chan, i bin traim strong bilong 'Chief' na gavman bilong em namba wan taim, ol i lukluk long traim

pulim ol memba bilong gavman. Dispela i lukim pundaun bilong Dokta Puka Temu na bruk bilong Nesenel Alaiens pati.

Bihain long dispela, yumi lukim 'Chief' i go silip long haus sik long Singapo, na kantri i bin stap nating.

Nem na luksave bilong 'Chief' tasol i bin mekim planti

manmeri na lida long kantri i no sindaun gut.

Em nau, namba tu salens long lidasip bilong 'Chief' i bin kamap, na Palamen yet i bin taitim olgeta strong bilong en long yusim ol namba bilong en long rausim gavman bilong Sir Michael Somare.

Samting i kamap bihain long dispela, i lukim pait i go long han bilong kot.

Tasol taim kot i bin go het long mekim disisen long kamap bilong O'Neill gavman, Palamen, aninit long stia bilong Spika Jeffrey Nape, na O'Neill, i bin go het yet long yusim pawa bilong ol long senisim ol loa na senis long loa ol i bin kamapim, we i no bin stret.

Sindaun nau we i bin go painim Krismas, i lukim Gavana Jeneral, husat i bin lusim wok bilong em long tok bilong Palamen, i kisim bek wok bilong em, na luksave long gavman bilong O'Neill na Namah olsem tru tru gavman.

Planti manmeri bilong ol arapela kantri long wol i bin lukluk strong long PNG taim dispela hevi i kamap.

Planti i bin tok olsem kantri bai bagarap, na pipel bai bagarapim sindaun long Mosbi.

Dispela i no kamap.

Planti i bin tok pret olsem ol gutpela wok O'Neill gavman i kirapim long sekim na rausim pasin korapsen long gavman na politiks, bai lus nating.

Dispela i no kamap.

Na nau, taim yumi go insait long wok-about i go painim nupela yia, na nesenel jeneral ileksen 2012, pipel i wok askim husat tru i gavman, na olgeta dispela politiks pilai bai mekim wanem long kirap bilong nupela yia.

Wanpela samting i klia. Strong, save na luksave bilong ol pipel bilong yumi, em i no wankain olsem ol tumbuna bilong yumi i bin gat taim kantri i kisim indipendens.

Nau, ol pipel bilong yumi i save gut pinis long mobail fon, ilektronik midia, na planti i save long autim tingting bilong ol, na glasim pasin bilong ol lida.

Dispela pasin na strong bilong luksave tasol bai karim yumi go long ileksen 2012, na bihain taim.

Yumi wanpela pipel, bilong wanpela kantri. Na yumi gat tingting na strongpela bilip olsem yumi ken mekim nem long wol.

Husat bai pasim yumi?



Somare na O'Neill mas bung

HUSAT bai yumi sutim tok long em i kamapim dispela bruk namel long Somare Gavman na O'Neill Gavman?. Nau yumi lukim olsem Papua Niugini i gat tupela Gavman long namba wan taim tru stat long 1975 long independens de i kam inap nau.

Somare wantaim 30 membas bilong em i tok ol i holim Gavman bikos Suprim Kot i luksave long Somare olsem Prais Minista bilong Papua Niugini. O'Neil wantaim moa long 70 membas bilong em i tok ol i gat namba long ranim Gavman long palamen.

Em klia olsem Kot i luksave long Somare olsem Prais Minista bilong kantri bihain long em bin go long haus sik long Singapo na kam bek. Long dispela taim Peter O'Neil wantaim ol membas bilong em i muv long palamen na votim Peter O'Neil kamap Prais Minista bikos Somare bin stap ausait long palamen na kantri longpela taim. Dispela taim em memba bilong Wabeg Sam Abal bin eking Prais Minista.

Long las wik i kam, lain bi-



long Peter O'Neil bin stap long palamen na ranim bisnis bilong kantri olsem nesenel baset, toktok bilong givim 22 sit go long ol meri na arapela bisnis moa. Somare wantaim grup bilong em bin holim ol miting bilong ol long Morauta Haus na long hotel.

Planti manmeri i ting sapos grup bilong Somare bin go bek long haus palamen, ol inap stretim dispela hevi we kantri ken luksave long wanem kain mak ol i sanap.

Em ples klia olsem sapos grup bilong Somare go bek long palamen, ol bai sot long namba na grup bilong O'Neil bai votim O'Neil long kamap Prais Minista bikos ol gat namba.

Ating namba tasol i mekim hat long grup bilong Somare long go bek long palamen o olsem wanem?. Yumi no save tasol nau yet yumi no harim wanpela toktok i kam long maus bilong ol long ol wanem taim bai ol go bek

long palamen bikos long las wik yumi harim Peter O'Neil wantaim grup bilong em i singaut long grup bilong Somare mas go long palamen.

Em tru olsem palamen tasol em ples bung bilong ol lida long toktok na stretim ol kain hevi olsem na tu stretim ol bikpela hevi bilong kantri. Em ples bung bilong ol lida yumi makim ol long taim bilong ileksen.

Lukluk bek long histori o stori bilong palamentri sistem bilong PNG i kam inap long dispela yia, Gavman bilong kantri i save ron wantaim moa memba o namba long sait bilong em. Inglis ol kolim majority. Prais Minista husat i go pas long Gavman I save gat moa long 55 memba bikos ol mas kamapim planti Lo na polisi bilong em long palamen bihainim vot. Gavman sait save kamapim planti polisi na lo bikos ol gat moa long 55 long mekim senis i kamap. Bikos olgeta lo na polisi i kamaut long palamen i mas kisim 55 vot o moa o 73 vot. Olsem na olgeta Gavman i mas gat dispela namba wantaim ol olgeta taim long ranim kantri.

Kantri i save ron antap long ol bikpela lo na polisi bilong Gavman bihainim

namba bikos lo i luksave long dispela. Taim i nogat moa long 55 vot o 73 vot, planti polisi na lo i no save wok na stap bek inap Gavman sait i painim namba.

Wok nau i stap long han bilong Somare na O'Neil long bungim tingting na stretim toktok na kamapim wanbel bai gavman i ken ron long karimaut ol bikpela wok bilong dispela kantri olsem 2012 nesenel baset, fri edukesen, ol bikpela maining projek na planti arapela moa.

Sia bilong Prais Minista em yumi lukim hevi na bruk i kamap long en. I no sia bilong Deputi Prais Minista o arapela minista nabaut. Taim Prais Minista i kamap na sindaun long sia, orait em save makim namba tu bilong em na ol minista bilong em.

Yumi prea bai rot i op dispela wik long yumi lukim wanpela gavman stret i kamap na ranim kantri bilong yumi i go inap long 2012 nesenel ileksen.

Meri Krismas na Hepi Nu Yia long yupela olgeta rida bilong Wantok Niuspepa.

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



**ELECTORAL
COMMISSION**
Papua New Guinea

SAPLIMEN



LUKLUK IGO HET LONG JENEROL ILEKSEN - 2012





**ELECTORAL
COMMISSION**
Papua New Guinea

SAPLIMEN



Wok redi bilong 2012 i go het gut

NAMBA wan bikpela wok program i kamap pinis insait long wan wan ol provins, em apdetim bilong ilektoral rol.

Bihain long tupela wik malolo long 11 i go 25 Julai long larim wok bilong nesenel populesen sensus na hausing sevei i go het, wok i bin kirap bek gut long ilektoral rol apdet.

Olgeta provins nau i mas pinisim wok bilong rejistaim olgeta vota manmeri insait long provins bilong ol. Olgeta dispela namba i kam pinis long PNGEC hetkwota long Pot Mosbi, na wok bilong data entri i ron gut.

Awenes em i narapela

bikpela wok bilong ol ileksen wok redi.

Ilektoral na komyuniti awenes em i mas stap, sapos ileksen long 2012 bai kamap gut.

Infomesen na Komyuniti Awenes Brens, aninit long wokbung wantaim sivil so-saiti netwok long kantri i wok long wok bung long karimaut strongpela ilektoral awenes na sivil edukesen, o skulim komyuniti, pastaim long taim bilong vot i kamap.


Mi bilip olsem ol skul mipela i kisim long ol ileksen bilong bipo, bai halivim mipela long redi gut long 2012.

Planti i tokaut pinis olsem dispela 2012 ileksen em i bikpela tru, moa long ileksen i kamap long 2007.

Mipela i luksave olsem bai i gat moa kendidet i sanap resis long 2012, moa long ol i bin sanap long 2007. Ilekseen em i wok bilong olgeta manmeri.

Long sait bilong mipela long Komisen, mipela bai sanap strong long mekim gut wok bilong mipela na kamapim gutpela ileksen bilong kantri long 2012.

Tingim: Yu no inap long vot insait long 2012 nesenel jeneral ileksen sapos nem bilong yu i no stap long komon rol.



ILEKTORAL KOMISINA: Andrew Trawen



Tim poto – Ol niusmanmeri bilong Hailans, Momase na Niugini Ailans i bung long Kokopo long strongim save bilong ol long wok ileksen, redi long 2012. *Ol Poto: Bustin Anzu*

Pasin wanbel na wokbung mas stap long ileksen 2012

Sape Metta i raitim

PASIN bilong wanbel na wokbung namel long midia na PNG Ilektoral Komisin i mas strong long lukim 2012 nesenel jeneral ileksen i kamap gut.

Moa long tripela ten (30) niusman-meri husat makim ol bikpela midia ogenaiesen olsem Post Courier, National na Wantok Niuspepa, Kundu 2 tv na ol lokel

brodkas opisa long ol praivet redio stesin long Hailans, Momase na Ailan rijen i kamap na kisim trening nau long wanpela wok-sop bilong strongim wokbung namel long komisen na midia.

Meri husat i go pas olsem fesiliteta long dispela wok-ol Regina Lunge, i tok as tingting bilong kamapim dispela woksop em long skulim na trenim ol niusmanmeri

husat bai i ken surikim dispela save long skulim ol arapela long pasin bilong tromoi gutpela vot long gutpela na stretpela pasin.

“Ol manmeri i nidim edukesen, na dispela em yupela ol niusman-meri bai iken mekim kamap long taim yupela iwokim ol gutpela ripot we ol bai iken lukim, harim, ritim na bihainim”, Lunge i tok.

Em itok long ol yia igo

pinis ino bin igat luksave long dispela pasin wok bung olsem na planti man-meri i no kisim gut luksave na tromoi ol vot nating nating long ol kendidet.

“Dispela pasin wanbel na wokbung em Ilektoral Komisin i kamapim wantaim ol midia lain em i bikpela samting long wanem mipela i kisim luksave pinis olsem wok bilong ileksen em bai ken go stret sapos ol man-

meri i kisim toksave gut na tu luksave long ol midia pablisiti bipo long ol i ken go long putim mak na tromoi ol vot bilong ol, long wanem, dispela mak na vot bilong ol i mas karim gutpela kaikai so ol dispela lida bai iken kisim ol sevis igo long ol”, Lunge itok.

Ripota Paul Fuzo husat i kam long Wewak - Is Sepik provins long stap long dispela woksop em i amamas

long kamap na kisim trening, long wanem, dispela skul em kisim long dispela trening woksop bai helpim em long taim nesenel jeneral ileksen ikamap long 2012.

“Dispela trening mipela i kisim em i opim ai bilong mipela ol niusmanmeri na tu em i helpim mipela long karim aut wok bilong mipela long taim bilong ileksen”, Fuzo i tok.



Ilektrol Komisin i stretim ilektrol rol long rere long karimaut Ileksen 2012

Aja Alex Potabe i raitim

MINISTA bilong Stet long Halivim Praim Minista long Loa, Wake Goi, i tok, PNG Ilektrol Komisin (PNGEC) i nau rere long karimaut Ileksen 2012, tasol namba wan samting ol bai apdetim ilektrol rol bilong olgeta provins.

Detlain, o de bilong bilong pinisim wok apdet bilong ilektrol rol em i 31 Octoba, 2011, tasol planti provins i no bin pinisim long taim stret.

Ol provins husat i apdetim ilektrol rol bilong ol, na putim data i go insait pinis long ilektrol databases, bai Ilektrol Komisin i prinitim ilektrol rol bilong ol na salim i go long wan wan kaunsel wet long ol bai lukim na stretim gen long 2012.

Wes Nu Briten, Sentral na Oro Provins tasol i pinisim ilektrol rol apdet bilong ol.

Nau yet, PNGEC i sekim nem bilong manmeri insait long olgeta kaunsel wod insait long Niugini Ailans, Momase na Sauten Rijen.

Bilong Hailans rijin i no yet,

olsem na PNGEC bai salim moa mani i go antap long hariapim wok.

Ilektrol rol apdet bilong Simbu na Isten Highlands em i kamap gut tru.

Hela na Jiwaka tu i nau stretim ilektrol rol bilong tupela. Fil wok i stat long Enga na Sauten Hailans Provins, tasol ol i no apdetim ilektrol rol long Westen Hailans yet.

Long Niugini Ailans, Ilektoral Komisin i sekim nem bilong ol manmeri long Is na Wes Nu Briten, Manus na Nu Ailan, tasol Atonomus Rijen bilong Bogenvil i no yet.

Sait long Momase, manmeri

long Is na Wes Sipik, husat i inap long vot, i raitim pinis nem bilong ol long ilektrol rol tasol Madang na Morobe i no yet.

Long Sauten Rijen, Westen Provins tasol i stil stap baksait yet. Olgeta provins i mekim apdet i stap, na i no long taim Milen Bei bai pinisim bilong en.

Long wankain taim, PNGEC i nidim mani long baim ballot bokis, ballot pepa, ink na ol arapela samting long ronim gut dispela ileksen.

Goi i tok, nesenel gavman i bin kisim K9 milian dinau mani long

PNGEC long ronim tupela bai ileksen – Not Bogenvil na Kundiawa – long dispela yia, na i mas bekim dispela mani long PNGEC bai ronim Ileksen 2012.

Ileksen 2012 bai kamap olsem:

- **Givin Aut ol Rit Pepa : Fraide 27 Epril 2012 (4-kilok apinun)**
- **Nominesen : Fraide 4 Me 2012 (4-kilok apinun)**
- **Poling i op: Sarere 23 Jun 2012**
- **Polin i pas: Fraide 6 Julai**
- **Kisim Bek ol Rit Pepa : Fraide 27 Julai 2012**

Hela na Jiwaka baundri ripot bai go long Palamen

Aja Alex Potabe i raitim

RIPOT bilong Bandris Komisin i nau rere long go insait long Palamen, bihain long wan wik, long mekim laspela disisen long larim tupela nupela provins, Hela na Jiwaka, i go het long Eleksen 2012, na mekim tupela kamap olsem ol arapela provins.

Sapos Palamen i tok orait, pipel bilong Hela na Jiwaka bai votim ol memba bilong ol yet aninit long nupela provins bilong tupela yet, bikos Baundris Komisin i katim boda mak pinis, na pipel bilong Hela na Jiwaka bai no moa stap aninit long Sauten Hailans na Westen Hailans provins.

Tasol Nipa-Kutubu long SHP na Angilimp-South Waghi (WHP) bai stap yet aninit long olpela provins bilong tupela yet.

Minista bilong Stet long Halivim Praim Minista long Loa, Wake Goi, na Sif Ilektoral Komisin, Andrew Trawen, husat i siaman bilong Baundris Komisin, i tokim ol nius manmeri long Fonde wik i go pinis, olsem ol i makim boda bilong provins na open ilektoret pinis.

“Mi amamas tru long tokim pipel bilong Hela, Jiwaka na PNG, olsem mipela i katim boda mak pinis na ripot bilong Baundris Komisin i nau rere long go insait long Palamen long Novemba sindaun,” Minista Goi i tok.

Long Palamen long mekim laspela disisen, Goi i tok, em bai givim dispela 72-pes ripot na rekomedesen, wantaim 10-pela A3-sais mep soim ples klia boda mak bilong provins na open ilektoret insait long Hela na Jiwaka.

“Long Ogas 28 – Septemba 5, sikspela man bilong Baundris Komisini i bin go long Hela na Jiwaka, we ol i bin holim pablik toktok wantaim kaunsel presiden na ol lida long ples long kisim tingting bilong ol pipel,” Goi i tok.

“Insait long dispela tupela wik tasol, Baundris Komisin i bin holim pablik toktok long kisim tingting bilong manmeri long Koroba stesen, Tari taun, na Margarima stesen insait long Hela, na Banz na Minj stesen long Jiwaka,” Minista i tok.

Goi i tok tenkyu long Siaman bilong Baundris Komisin, Andrew Trawen, na faivpela komisina bilong en, long mekim olgeta hatwok insait long liklik taim tasol long kamapim boda mak bilong Hela na Jiwaka.

Em i tok, rivi bilong olgeta boda mak bilong olgeta provins insait long kantri inap long kamap, tasol long disisen bilong gavman, ol i lukluk pas long Hela na Jiwaka pastaim.

Minista i tokaut olsem, maski trutru planti manmeri bilong Hela na Jiwaka i bin amamas tru long wok bilong Baundris Komisin, wanwan manmeri tasol i tingting planti na toktok agensim wok bilong Komisin.

“I no gutpela long manmeri husat i no bin stap long hap long givim tingting bilong ol long Baundris Komisin long pablik toktok taim long tingting planti olsem komisin i gat asua long makim boda bilong provins,” Goi i tok.

Em tokim ol dispela kain manmeri long noken toktok agensim Baundris Komisin taim ol i mekim gutpela wok tru na bihainim laik bilong Hela na Jiwaka pipel, na tu bilong pastaim na nau gavman.




2012 Nesenel Ileksen Program

Aninit long Konstitusen o Mama Loa bilong kantri, wok bilong karimaut fri na stretpela ileksen em i wok bilong ILEKTORAL KOMISIN bilong PAPUA NIUGINI aninit long Seksen 126 (1-8) bilong Konstitusen, na Seksen 15 bilong Ogenik Loa long Nesenel na Lokol-Level Gavman Ileksen.

ILEKTORAL KOMISIN i toksave nau long jeneral pablik Ileksen Program bilong 2012 Nesenel Palamen Jeneral Ileksen i go olsem:

1. Tilim bilong ol Rit Pepa:	Fraide	27, Epril, 2012 (4 kilok apinun)
2. Nominesen i Pas:	Fraide	4, Me, 2012 (4 kilok apinun)
3. Poling i Kirap:	Sarere	23, Jun, 2012
4. Poling i Pinis:	Fraide	6, Julai, 2012
5. Givim bek ol Rit Pepa:	Fraide	27, Julai, 2012

Kaunim bilong ol dispela de i olsem:

• Taim bilong Nominesen:	(7-pela) de	27 Epril – 4 Me, 2012
• Taim bilong Kempen:	(8-pela) wik	4 Me – 23 Jun, 2012
• Taim bilong Poling:	(14) de	23 Jun – 6 Julai, 2012
• Taim bilong Kaunim:	(21) de	6 Julai – 27 Julai, 2012

2012 Nesenel Palamen Jeneral Ileksen Program i olsem long nau, tasol i ken gat senis long en.

Long kisim moa toksave na tok klia, plis ringim Dairekta – Polisi Dvelopmen long Telepon: 343 1185.

Tok Orait i kam long:



ANDREW S. TRAWEN, CMG, MBE
ILEKTORAL KOMISINA



**ELECTORAL
COMMISSION**
Papua New Guinea

SAPLIMEN



VOTE LPV
Now that's fair



**ELECTORAL
COMMISSION**
Papua New Guinea

SAPLIMEN



VOTE LPV
Now that's fair

Ileksen piksas...





ILEKTORAL SAPLIMEN



Skul bilong redi long 2

Veronica Hatutasi i ratim

PAPUA Niugini Ilektoel Komisin (PNGEC) i wok long mekim ol wok redi long 2012 Nesenel Ileksen bai kamap long mun Jun.

Olsem hap bilong ol wok redi, em i wok long holim ol trening woksop wantaim ol stekholda we bai em i wok bung wantaim long kamapim gutpela ileksen we pipel i mas redi gut long makim ol gutpela lida bai kisim sevis i go long ol na tu, kisim ol wari bilong ol long haus Palamen.

Midia em i wanpela long ol bikpela stekholda we PNGEC bai wok wantaim na olsem, insait long tupela wik i go pinis, PNGEC i kari-maut ol trening woksop long Kokoda Trail Motel antap long Sogeri long givim skul long ol nius ripota bilong redio, televisen na ol niuspepa.

Namba wan grup i bin stap insait long wanpela wik woksop long Mande 22 Ogas na pinis long de namba 26.

Namba tu grup i bin sindaun long woksop long Mande Ogas 29 na pinis long Fraide, Septemba 2.

Olsem wanpela long ol lain ripota husat i bin gat sans long stap long woksop wantaim namba tu grup, mi ken tok olsem dispela woksop we PNGEC i ranim i gutpela stret bikos ol ripota i lainim planti samting we bai helpim ol long givim ol kliapela toktok long sait bilong awenes na nius bai helpim ol pipel long vot na makim ol lida.

PNGEC i yusim BRIDGE Program long ranim ol dispela program na program em i ranim wantaim Midia em Ileksen na Midia (E&M) Program. I gat ol narapela BRIDGE program olsem Ileksen na Jenda (E&J) na ol narapela moa.

BRIDGE i sanap long "Building Resources In Democracy Governance and Elections" i wanpela gutpela program we ol saveman bilong Ileksen long olgeta hap bilong wol i bin bung long Kenbera (Canberra), Australia long 1999 na kamapim.

Em i wanpela profesenel developmen program modula o plen we bikpela tingting na lukluk i sut long ol ilektoel proses o wok n a ol i kisim i go insait gutpela gavanens (gutpela gavman i soim gutpela li-dasip) na transperensi (nogat hait pasin, tasol mekim wok we olgeta samting i stap long ples klia).

Faipela BRIDGE patna em long Ilektoel Komisin bilong Australia (AEC), Intanesenel IDEA, Intanesenel Faundesen bilong Ilektoel Sistem (IFES), Yuniatet Nesens Developmen Program (UNDP) na Yunaitet Nesens Ilektoel Asistens Divisen (UNEAD).

As tingting long BRIDGE Program em long promotim demokresi



MEKIM KLIA: Ol ripota i harim long tripela BRIDGE tisa. Ol poto: Veronica Hatutasi



PENALTI: Em nau, bihainim loa bilong woksop, ol lain i kam leit na telepon i krai long taim bilong woksop i mas peim K5 fain na wokim eksen singsing na danis, olsem dispela grup we biknem Kundu 2 bosman, Kevin Marai, i go pas long en.

na gutpela wok long karimaut ilekses, strongim save na wok bilong ol stekholda o patna long ileksen wok, sapotim awenes long ol tul o samting we bai helpim long karimaut ileksen na ol risos na ol dispela wok i ken go het (sustainable electoral culture) na developim sapot netwok wantaim ol stekholda o patna long ileksen wok n a strongim kalsa bilong serim in fomesen na eksperiens.

Plantu lain i no klia olsem karimaut wok ileksen em i wanpela bikpela wok long sait bilong lojistik operesen kantri i save ranim long gutpela taim.

Tupela bikpela partna em UNDP na PNGEC i luksave olsem wantaim bikpela lukluk long ilektoel

proses saikol apros, givim trening i go long ol stekholda em i bikpela samting long ileksen i kamap gut.

Insait long 5-pela de EM woksop long Kokoda Trail Motel, namba tu grup i gat samting olsem 25 ripota i bin kisim gut tru skul trening long olgeta eria bilong ileksen, glasim midia na ol wok bilong em, na wanem wok em i mekim long taim bilong ileksen na moa.

Tripela fasiliteta o tisa long tupela woksop em Regina Lunge em Kodineta bilong EC BRIDGE Program trening husat i wok wantaim PNGEC, Alwyn Jimmy, em Ileksen Menesa bilong Isten Hailans Provins na Gabriel Kaugla em Ritening Opisa bilong Simbu provins husat i wok tu wantaim

Simbu Edministresen. Olgeta tripela i gat bikpela save long givim BRIDGE treninol bikos ol bin sindaun long dispela program na ol i kamap olsem trena bilong ol trena. Na ol i ranim pinis ol BRIDGE Program long kantri, taim Regina i kari-maut pinis BRIDGE skul trening long Fiji.

Wanpela samting we i narakain long BRIDGE Program em tupela sait wantaim, olsem manmeri i givim trening na ol lain i kisim skul, i gat sans long mekim samting.

Dispela i min olsem i no ol lain i givim trening i toktok o wokim presentesen, tasol ol lain i kisim skul i gat samting long mekim na ol i no sindaun na harim toktok tasol bilong ol tisa o kos presenta.

Bihain long wan wan presentesen bilong ol fasiliteta o tisa, i bin gat taim long ol sumatin o lain i sindaun long kos bilong mekim diskasen na autim tingting bilong ol long samting ol i no klis long en na tu, wokim ol eksasais long lukim olsem ol i kisim gut ol samting ol i lainim long en.

Wanpela long ol samting we dispela woksop i bin mekim klia bai helpim ol nius manmeri long givim ileksen ripot bilong ol na bai helpim tu ol pipel long skisim kliapela save em long Limitit Preferensel Voting (LPV) na ol proses olsem Praimeri Vot, Fes na Sekon eliminesen o rausim ol kendidet long namba wan na namba tu raun long taim bilong kaunim, ol



**ELECTORAL
COMMISSION**
Papua New Guinea

ILEKTORAL SAPLIMEN



012 ileksen



KAUNIM EKSASAIS: Kaunim ol vot bihainim LPV sistem we ol ripota i wokim prektikel eksasais long en bihainim prisentesen bilong Mista Jimmy. *Ol Poto: Veronica Hatutasi*



OLGETA i GAT RAIT: i bin gat skul long rait bilong ol vota we yumi lukim tisa Mista Jimmy i helpim Mista Kaugla i ekt olsem wanpela disebol man i luksave long rait bilong em na i go long ples bilong vot long en.

eksostet vot o ol rabis vot i gat velyu long ol, namba tu na tri vot i gat bikpela pawa long ol na olsem, pipel i mas tingting gut na givim mak long namba 2 na 3 kendidet long wanem, yu ken kirap nogut dispela ol namba i ken win.

Narapela samting tu i bin kamap long ples klia em long PNG, i nogat spesel lo i stap long karamapim midia na ileksen.

Narapela samting tu em ilektronik kaunim o yusim kompyuta long kaunim ol vot pepa i gtupela tru bikos ol lain long kauning eria, ol

skrutinia na pablik i ken lukim long ples klia olgeta samting. Na proses o wok i klia na fea na i nogat hait na korap pasin lon g givim vot long wanpela poroman i kamap.

Bihain long wanpela wok skul, ol ripota long ol wan wan ogenaísesen we ol lain bilong ol i bin stap long dispela tupela woksop i gat klia-pela save long ileksen proses, rot na ol samting ol bai ripot long en na ol samting ol bai mekim long givim skul long pablik.

Na ol i redi long patna wantaim PNGEC long mekim 2012 nesenele ileksen i wan-

pela gutpela ileksen.

Las long en, ol ripota i givim bikpela tok tenkyu i go long PNGEC long kisim ol ripota i go long gutpela na naispela ples olsem Kokoda Trail Motel long kolples Sogeri long dispela woksop na tripela BRIDGE tisa husat i raitpela lain stret na i givim ol gutpela na klia-pela skul ol ripota i kisim gut.

Ol piksa i soim ol ripota na ol sesen o skul ol i bin sindaun long em na ol eksasais wok na prisentesen ol i wokim. Na naispela ples we ol bin stap long en long wanpela wik olgeta.



SETIFIKET: NBC ripota, Rose Amos, i kisim setifiket bilong em long han bilong BRIDGE tisa, Mista Kaugla.




RILEKS: National Niuspepa ripota Isaac Nicholas wantaim tupela NBC niusman, Mak Kaiok na sinia ripota, Michael Asagoni, i rileks na sindaun stori i stap long belotaim long kentin eria bilong Motel.



GETWE: Wanpela yangpela wokmeri bilong Kokoda Trail Motel i amamas long welkamim ol ges long Motel. *Poto: Veronica Hatutasi*

MAKE HELPING FAIR



**ELDERLY/ILLITERATE SHOULD
CHOOSE HELPERS THEMSELVES
FROM THEIR OWN FAMILY**



**ELECTORAL
COMMISSION**
Papua New Guinea





NEW

WHEATMEAL BISCUIT

PACKED IN LONG LIFE
WATERPROOF FOIL PACKS



...available
now in a store
near you!

Crunchy and Tasty, It's Irresistable!!

TORO



BIABIA



KANAGE



TOKWIN

Simuk kilim ol manmeri...

Mi no tok sik kensa. Mi tok long prais bilong smuk. Mi airaun liklik long lukim prais i flai igo antap na mi paol olgeta. Nau prais bilong spia igo antap long K2 stret. Grin na Ret paketi nau stap long K20 mak. Long dispela prais brus bilong ples i kam klia nau. Prais bilong brus em liklik na nau ol manmeri i tanim long

simukim brus nau. Ating mi senis na simukim brus tasol.

Krismas long Mosbi i nogat nois...

Nogat hevi o bagarap long krismas de hia long Mosbi. Ating olgeta manmeri wok long amamas long Faiv mail Jack Pidik oval na no tingting long mekim nabaut. tenkiu tru lomg Gavana bilong NCD, Powes Parkop long kamapim dispela santing we olgeta manmeri long siti i amamas long en.

Niu yia bai olsem wanem?...

Dispela niu yia bai olsem wanem? Gavana bai kamapim wanpela santing o nogat. Bipo mi tingim, paiawoks i save pairap long Ela Bis. Nau mi no save, Gavana bai kamapim dispela amamas gen? Maski stap long haus selebretim niupela yia long haus bilong yu. Em i seif moa long hap.

Hepi Niu Yia Olgeta!!!

Tokwin Tasol...

D	O	K	T	A	H	I	M	S	E	K	U	S	A	U	I	M
J	O	L	I	P	R	T	U	I	B	N	R	S	I	N	A	B
S	D	D	R	I	P	I	M	G	N	O	T	R	M	L	E	R
A	R	E	T	U	I	O	L	E	G	H	F	R	A	D	S	S
N	E	R	T	B	N	M	S	C	F	T	U	R	R	J	O	K
I	E	E	K	S	R	E	I	S	T	R	I	K	A	D	O	E
D	F	E	R	M	R	I	G	H	T	A	R	S	S	Y	A	L
E	C	R	I	E	C	K	Y	R	E	B	E	F	I	Y	O	P
L	A	R	P	O	L	A	S	C	E	L	E	B	N	U	T	T
B	R	O	M	I	L	E	R	S	P	O	T	C	H	Y	I	T
A	U	T	P	E	S	E	N	T	R	U	A	B	A	I	T	E
O	L	S	E	R	N	A	G	O	L	O	D	R	U	S	E	B
T	C	R	I	P	P	M	L	E	R	F	D	S	H	K	O	K
I	S	M	A	M	A	K	A	R	I	M	D	O	W	E	R	I
E	O	P	I	M	C	F	S	T	R	U	T	N	B	E	I	S
T	A	S	K	O	I	L	V	B	R	E	T	E	N	S	A	R
A	P	L	S	U	T	A	E	B	L	U	T	S	O	D	O	W

PAINIM OL DISPELA TOKTOK BILONG HAUS SIK:

DOKTA	NES	SIX BET	MALARIA	KUS
MARASIN	NIDEL	TIETA	SUT	BLUT
OPERESIN	DRIP	HELTBUK	WOD	MAMA KARIM
AUTPESEN	SKEL	GLAS	EKSREI	BANIS

4	2					1	
	9			5	6	4	2
8		1		9			5
6		4		1			
			3	7			
			9		3		6
1			7		2		9
9	7	8	4			6	
	5					7	3

2	8	9	4	1	6	7	3	5
3	5	1	2	9	7	6	8	4
4	6	7	8	3	5	9	1	2
8	9	6	1	5	4	3	2	7
1	7	2	6	8	3	5	4	9
5	4	3	9	7	2	1	6	8
9	2	4	7	6	1	8	5	3
6	3	8	5	4	9	2	7	1
7	1	5	3	2	8	4	9	6

Ansa bilong las wik Sudoku

S	R	K	E	K	O	P	S	V	O	R	W	O	C
T		A					H	A	P	T	A	I	M
O			I				S						
R				D			H						
M					E	A	S	R	E	T	S	O	O
					S	R	E	G	I	T	T	S	E
S	T	H	E	I	N	K	S						
S	F				S		E				F		
S	E	A					E			S	V		
R	A	I				S	L			B	L	S	
G		E	N	N		S			E	T	G		
I			A	D			O		H	A	O		
R			G	L					C	T	I	D	
A			A	L					N	M	L		
W	D					S			A	O	L		
			R	A	B	B	I	T	O	H	S		B

Ansa bilong las wik Pasol

EMTV Television Guide

5.00AM	G	JOYCE MEYER
		Religious Program
5.30AM	G	TODAY
		DEPARTMENT OF EDUCATION
		CLASSROOM BROADCAST
9.00 – 9.40AM		GRADE 7 MATHEMATICS
9.50 – 10.30AM		GRADE 7 SCIENCE
10.40 – 11.15AM		GRADE 8 MATHEMATICS
11.20 – 12.00PM		GRADE 8 SCIENCE
12.30PM		EMTV MIDDAY NEWS
		DEPT OF EDUCATION CLASSROOM BROADCAST CONTINUES....
1.00 – 1.40PM		GRADE 6 MATHEMATICS
1.50 – 2.30PM		GRADE 6 SCIENCE
2.30 – 3.00PM		DEPI PROGRAMME
		STATION OPEN
		KIDS KONA
3.00PM	G	MAGICAL TALES
3.30PM	G	HI-5
4.00PM	G	THE PYRAMID

4.30PM	G	THE SHAK
5.00PM	G	
5.55PM	G	CRIME STOPPERS
6.00PM	G	NATIONAL EMTV NEWS
7.57PM		EMTV TOK SAVE
7.30PM	G	
9.30PM	G	
10.30PM	G	NATIONAL EMTV NEWS
		REPLAY
11.30PM	G	MOBIL 1 THE GRID
12.30PM		AUSTRALIA NETWORK

TUNDE, JANUERI 3, 2012

5.00AM	G	JOYCE MEYER
		Religious program
5.30AM	G	TODAY
		DEPARTMENT OF EDUCATION
		CLASSROOM BROADCAST
9.00 – 9.40AM		GRADE 7 MATHEMATICS
9.50 – 10.30AM		GRADE 7 SCIENCE

10.40 – 11.15AM		GRADE 8 MATHEMATICS
11.20 – 12.00PM		GRADE 8 SCIENCE
12.30PM		EMTV MIDDAY NEWS
		DEPT OF EDUCATION CLASSROOM BROADCAST CONTINUES....
1.00 – 1.40PM		GRADE 6 MATHEMATICS
1.50 – 2.30PM		GRADE 6 SCIENCE
2.30 – 3.00PM		DEPI PROGRAMME
12.00PM		EMTV MIDDAY NEWS
3.00PM	G	MAGICAL TALES
3.30PM	G	HI-5
4.00PM	G	THE PYRAMID
4.30PM	G	THE SHAK
5.29PM	G	EMTV NEWS UPDATE
5.30PM	G	MILLIONAIRE
		HOT SEAT
6.00PM	G	NATIONAL EMTV NEWS
7.00PM	G	HAUS & HOME
7.57PM		EMTV TOK SAVE
8.00PM	G	KINGAL MINISTRIES
8.30PM	PG	THE FARMER WANTS A

9.00PM	M	WIFE (SERIES PREMIERE)
11.30PM	G	EMTV NEWS REPLAY
12.30PM		AUSTRALIA NETWORK
		TINDE, JANUERI 4, 2012
5.00AM	G	JOYCE MEYER
		Religious Program
5.30AM	G	TODAY
		DEPARTMENT OF EDUCATION
		CLASSROOM BROADCAST
9.00 – 9.40AM		GRADE 7 MATHEMATICS
9.50 – 10.30AM		GRADE 7 SCIENCE
10.40 – 11.15AM		GRADE 8 MATHEMATICS
11.20 – 12.00PM		GRADE 8 SCIENCE
12.30PM		EMTV MIDDAY NEWS
		DEPT OF EDUCATION CLASSROOM BROADCAST CONTINUES....
1.00 – 1.40PM		GRADE 6 MATHEMATICS
1.50 – 2.30PM		GRADE 6 SCIENCE
2.30 – 3.00PM		DEPI PROGRAMME

12.00PM		EMTV MIDDAY NEWS
3.00PM	G	MAGICAL TALES
3.30PM	G	HI-5
4.00PM	G	THE PYRAMID
4.30PM	G	THE SHAK
5.29PM	G	EMTV NEWS UPDATE
5.00PM	G	
5.55PM	G	CRIME STOPPERS
6.00PM	G	NATIONAL EMTV NEWS
7.00PM	PG	THE WORLD AROUND US
		TBA
7.57PM		EMTV TOK SAVE
8.00PM	PG	
9.00PM	PG	WEDNESDAY NIGHT
		MOVIE: TBA
11.45PM	G	NATIONAL EMTV NEWS
		REPLAY
1.00AM		AUSTRALIA NETWORK

Ol Progam na Kilok i ken senis oltaim...



KISIM OL PROPOSAL BILONG MANI ANINIT LONG FISERIS PROJEK DEVELOPMEN FAN 2012



Nesenel Fiseris Atoriti (NFA), i askim nau olgeta liklik fisamanmeri, ol fis fama na koporetiv sosaiti husat i wok insait long fiseris developmen, o wok bilong givim ol Projek Developmen Fan (PDF) proposal bilong kisim mani bilong 2012. I gat tupela rot bilong kisim ol PDF mani:

Namba Wan Kategori

Dispela mani i kam long ol Multilateral Fiseris Triti namel long ol Pasifik Ailan Kantri na Yunaitet Stets bilong Amerika bilong larim ol US pes sain flek sip i go insait long ol Eksklusiv Ekonomik Zon bilong ol Pasifik Ailan Kantri. Ol dispela mani i save go long wan wan Pasifik Ailan Kantri na Forum Fiseris Ejensi (FFA) long Honiara, Solomon Ailans. Dispela mani i stap aninit long stia bilong Forum Fiseris Ejensi (FFA) long Solomon Ailans.

A. Komyuniti Fiseris Progreem Sapot

Komyuniti Fiseris Progreem, em ol dispela i stap bilong givim benefit long bikpela komyuniti, na i no bilong mekim mani.

Husat i ken aplai long kisim?:

- Ol komyuniti bes fiseris asosiesen o koporetiv

Mani bilong yusim long mekim wanem:

- Baim kapitel fising masin, ais bokis na maketim gia wantaim ofis ikwipmen, fis pon matiriel samting.

Bikpela mani-mak bilong wan wan projek:

- Ten Tausen Kina (K10,000)

Namba bilong olgeta projek bilong kisim luksave:

- Tenpela (10) projek tasol bai kisim mani halivim.

Namba Tu Kategori

Namba tu rot bilong kisim Projek Developmen Fan (PDF) i kam long NFA baset long sanapim ol komyuniti-bes fising projek aninit long fiseris developmen sapot progreem komponen.

B. Smol i go Midium Skel Entaprais Sapot

Mani i go long makim Smol i go Midium Skel Entaprais we bai sapotim na givim wanpela liklik hap i go long ol SME insait long fiseris sekta, na moa yet long baim ol kapitel samting we bai strongim wok bisnis.

Husat i ken aplai long kisim?:

- 100% ol asples PNG yet i bosim liklik i go midium sais kampani
- SME we i bin wok insait long fiseris sekta insait long las tripela yia
- SME wantaim 50% ekwiti kontribusen i go long baim samting

Mani bilong yusim long mekim wanem:

- Baim ol kapitel ikwipmen bilong strongim wokmak bilong bisnis.

Projek Manimak inap long:

- Twenti Tausen Kina i go inap Fifti Tausen Kina

Olgeta projek bilong kisim glasim:

- Tenpela (10) projek tasol bai kisim halivim mani.

Ol Jeneral Kondisen:

- Olgeta kapitel samting i mas i gat invois bilong bisnis i saplaim.
- Evidens bilong ekwiti kontribusen long sait bilong SME sapot.
- Komitmen na savemak bilong saplaim ol ripot long ron bilong projek we mani i go long en.
- Ol aplikesen i winim luksave i gat 28 de we ol i mas kisim mani, na ol i mas yusim.
- Peim ol samting bai go stret long saplaia. Em PDF Stiaring Komiti bai lukautim dispela wok.
- Mani em i no bilong ol operesenal kos, bekim benk dinau, o stretim ol dinau bilong bisnis.
- Olgeta aplikesen i no winim luksave bai go bek long ol apliken.
- Gutpela aplikesen bilong proposal em i Projek Aidentifikesen Dokumen (PID), Projek Fomulesen Dokumen Fom (PFD). Sekim Provinsal Fiseris Opis o NFA bilong kisim ol dispela Dokumen o pepa.

Long mekim mani i isi moa long go long ol gutpela fiseris projek, wanpela **PDF Stiaring Komiti** i kamap bilong skelim gut PDF bilong Papua Niugini. Komiti bai luksave olsem mani i go aut long klia na stretpela rot, na bai inap long was long yusim dispela mani.

Ol proposal i mas gat klia nem "PDF" long en na i mas go long **PDF Steering Committee**, C/- National Fisheries Authority PO Box 2016, PORT MORESBY, National Capital District.

Olgeta proposal na askim long sait bilong PDF i mas go long **Mis Welete Wararu**, Eksekyutiv Menesa, Provinsal Sapot na Industri Developmen, o yu ken ringim em long telepon: 309 0444 o 309 0483.

Olgeta sabmisen i mas kam long mipela pastaim long Janueri 31, 2012.

Tok Orait i kam long:

SYLVESTER POKAJAM
Acting Managing Director

Planti Maining na Petroleum Projek i kamap long PNG

Aja Alex Potabe i raitim

PNG i nau stap long wanpela kain taim we planti ol bikpela maining na petroleum projek i kamap.

Plant i ol bikpela maining na petroleum kampani long wol tu i resis long kisim eksploresen laisens long kam insait long PNG na painim gol, ges na wel.

Plant i bilong ol dispela kampani husat i gat bikpela laik long kam mekim maining na petroleum bisnis em ol kampani bilong Kenada, Australia, na Saut Afrika.

Tasol nau sampela ol kampani bilong Saina na Jepen tu i kam insait pinis. I no long taim, India tu i tingting long kam insait long PNG maining na petroleum industri.

Yia 2011 em i bin wanpela gutpela yia tru we planti nupela samting i bin kamap long maining na petroleum sekta long PNG.

Ol Maining Projek

PNG i gat planti maining projek. Maining projek i save mekim 60 pesen bilong nesenel winmani bilong gavman. Bihain long faivpela yia nambaut, PNG bai gat planti maining projek.

Bipo PNG i bin gat Panguna, Misima, Ok Tedi, Porgera, na Lihir tasol. Misma Main i pas pinis na kopa na gol i no pinis long Panguna Main tasol, pait i mekim na main i pas i stap yet.

Tasol nau planti ol arapela maining projek i kamap long PNG. Bipo maining projek i save painim na rausim gol, kopa na silva tasol nau ol i laik rausim kobalt, nikel, molibdenum, zink, na ol arapela mineral tu. Nau yumi lukim olgeta maining projek bilong PNG. Yumi stat wantaim Ok Tedi Projek.

Ok Tedi

Ok Tedi Maining em bikpela

wol-klas kopa maining long PNG. Em i stap long Star Maunten long Westen Provins. PNG Sastenabel Developmen Progrem Limited(PNGSDPL) i gat 63.4 pesen sea na PNG Gavman i gat 36.6 pesen sea long dispela bikpela kopa maining. Ol i tingting long pasim wok maining long yia 2013, tasol nau ol i surukim laip bilong maining i go long 2022 bikos ol i painim sampela moa kopa. Ok Tedi igat bikpela openkat maining na emi save mekim K4.741 bilian o 18 pesen bilong nesenel winmani bilong gavman. Em i gat 2,000 wok manmeri na 95 pesen bilong dispela i manmeri PNG yet.

Porgera na Kainantu

Porgera Join Vensa (PJV) i lukautim dispela bikpela wol-klas Porgera gol maining. Porgera em i stap long Enga Provins. Kampani bilong Kenada, Barrick Gold Corp i gat 95 pesen sea na 5 pesen sea bilong ol papagraun (Spesol Maining Lis Len Ona) na Enga Provinsel Gavman. Barrick em i bikpela gol kampani long wol, na long Porgera em i rausim gol, kopa na liklik silva. Wok maining long hap i bin kirap long 1992. Porgera i gat andagraun na open-pit maining. Long yia 2010, PJV i bin gat 2, 755 wok manmeri. 93 pesen wok manmeri bilong PNG yet. Barrick i bosim liklik Kainantu gol projek tu.

Lihir

Lihir em bikpela wol-klas gol maining i stap long Nu Ailan. Kampani bilong Australia, Newcrest Mining Ltd, i bosim dispela bikpela open-kat maining. Long 1982 ol i bin painim gol long hap, na wok eksploresen i bin kamap namel long yia 1983 na 1995. Prodaksen i bin kikstat long 1997. Namel long yia 1997 na 2009 ol i bin rausim 8 milian auns gol. Long yia 2010 ol i bin

rausim gen 800,000 auns gol. Long 2011, prodaksen bai go antap long milian auns olgeta yia bikos Newcrest i mekim wok mentenens long long ol samting bilong maining. Lihir em i gat 1,100 wok manmeri. 89 pesen bilong dispela em manmeri PNG yet.

Hidden Valley Maining

Hidden Veli em i wol-klas open-pit gol na silva maining. Newcrest Mining bilong Australia i gat 50 pesen sea na Harmony Gold Ltd bilong Saut Afrika i gat 50 pesen sea. Tupela i kamapim Morobe Maining Join Vensa (MMJV) na i bosim Hiden Veli na Hamata gol projek long Morobe Provins. 1,700 wok manmeri i wok long hap. Hidden Veli projek bai pinis bihain long 14-pela yia, na taim prodaksen i bin kiksarat las yia, ol i rausim 250, 000 ons gol na 3.4 milian ons silva long wanwan tan.

Tolukuma

Tolukuma Gol Maining i stap long Sentral Provins. Em i stap 100 kilomita tasol long Mosbi. Long yia 2008, Petromin PNG Holdings Ltd i bin baim Tolukuma. Operesen bilong maining olsem open-pit maining i bin kikstat long 1995 taim Emperor Gold Mines Ltd i bin lukautim. Long 1997 ol i bin rausim gol long andagraun maning. Em i liklik maining projek tasol ol i rausim gutpela kwaliti gol. Tolukuma i nau gat 630 wok manmeri aninit long Petromin.

Maunten Sinivit

Maunten Sinivit em i liklik open-pit maining long Is Nu Briten. Macmin PNG Ltd, wanpela haus bisnis bilong New Guinea Gold Corp bilong Kenada i bosim Sinivit. Wok maining i bin kirap long yia 2007. O prodaksen long yia 2010 i bin 0.143 milian tan na kat-op gret bilong dispela em 0.50 gram gol

long wanwan tan. Planti lokal manmeri i wok long hap. Main jeneral menesa na siaman bilong kampani tu i tupela Tolai man yet.

Simberi

Maski wok maining i kirap long yia 2008, Simberi i winim Tolukuma na Sinivit projek. Simberi em i stap long Nu Ailan, na prodaksen i bin kikstat long yia 2010 na ol i save rausim 1.18 grem bilong gol long wanwan tan. Allied Gold Ltd bilong Australia i onim Simberi projek.

Solwara 1

Solwara 1 projek long Nu Ailan bai kamap namba wan maining projek aninit long solwara long wol. Nautilus Minerals Ltd bilong Kenada bai operetim dispela maining projek. Ol i mekim fisibiliti stadi pinis na tingting long opim maining long yia 2013. Solwara 1 projek bai rausim gol, kopa, silva na zink long 1,600 mita aninit long solwara. PNG Gavman i givim pinis envaironmen laisens. Nautilus i nau rere long kisim i kam insait ol samting long rausim dispela ol mineral aninit long solwara.

Ramu Nikel-Kobalt Projek

Ramu Nickel-Kobalt Projek long Madang em i namba wan wol-klas nikel na kobalt projek long PNG. PNG i gat gol, kopa, na silva main tasol long namba wan taim Ramu bai rausim nikel na kobalt long 20-pela yia. MCC bilong Saina i gat 85 pesen sea, Highlands Pacific i gat 8.56 pesen sea, MRDC i gat 3.94 pesen sea na ol papagraun yet i gat 2.50 pesen sea. Prodaksen bai kamap long 2012.

Frieda River Kopa Projek

Frieda River long Sandaun Provins bai kamap wanpela bikpela kopa na gol projek. Taim ol i opim projek, em i ken winim Ok Tedi tu. Xstrata i gat 81.82 pesen sea na Highlands Pacific

i gat 18.18 pesen sea. Wok eksploresen bai pinis long Januari 2012 na wok konstraksen bai kamap long yia 2013. Bihain long en, prodaksen bai kikstat long yia 2017. Bihain long 2017, projek bai kamap long 40 - 50 yia.

Yandera Maining

Yandera maining projek long Usino-Bundi, Madang bai klostu taim tasol rausim kopa na molibdenum. Marengo Mining Ltd i askim PNG Gavman pinis long kikstatim wok maining bihain long wanpela yia. Ol bai pasim maining bihain long 20 yia projek.

Maunten Kare, Wafi-Golpu na Woodlark

Ino long taim tasol Maunten Kare, Wafi-Golpu na Woodlark bai kamap bikpela maining projek. Ol i mekim pinis wok eksploresen na nau ol i mekim laspela fisibiliti stadi long dispela tripela hap. Mt Kare i gat bikpela gol na em i stap namel long boda bilong Enga na Hela Provins. Maining kampani, Indochine Mines i tingting long opim Mt. Kare. MMJV bai opim tu Wafi-Golpu maning projek long Morobe Provins long rausim gol na kopa. Kula Gold Limited bai i no long taim tasol rausim gol long Woodlark ailan long Milne Bay Provins.

Ol Petroleum Projek long PNG

Petroleum projek long PNG i kamap long Hela, Sauten Hailans, Westen, na Gulf Provins. Petroleum projek i karamapim ol wel na ges projek.

Long PNG tupela bikpela petroleum projek- PNG LNG Projek na Gulf LNG Projek- bai senisim PNG gut tru na tu bai apim ikonomi bilong PNG. Dispela tupela projek bai mekim bikpela nesenel winmani bilong PNG Gavman taim ol i salim ges long 2014.

PNG LNG Projek

PNG LNG Projek em i wanpela bikpela petroleum projek kamap long mani mak olsem K43 bilian. Biknem LNG kampani bilong Amerika, Exxon Mobil, i ronim dispela projek. Wanpela binis haus bilong Exxon Mobil, Esso Highlands Ltd na ol arapela sea-holda olsem Oil Search, Santos, JX Nippon Oil Exploration, MRDC, Eda Oil, na Kroton #2 bai ronim PNG LNG Projek. Ol bai rausim ges long Juha, Hides, Angore, Saut Is Manada, Moran, Kutubu na Gobe, na salim i kam long paipain i go long refaineri long Lealea klostu long Mosbi. Ol bai tanim ges i go long wara long refaineri na salim i go long Saina, Jepen na Taiwan long yia 2014. Konstraksen pes bilong dispela maltibilian-kina projek i bin kirap long yia 2010 na bai pinis long 2013.

Gulf LNG Projek

Gulf LNG Projek bai kamap long Gulf Provins. InterOil Corp bai bosim dispela projek wantaim 15 bilian US dola. InterOil em i wanpela liklik kamapani bilong Kenada. Em i bin statim wel bisnis long PNG long 2004 taim em i bin baim aut olgeta fil sevis stesen na refaineri bilong Shell long Napanapa. Em i nogat bikpela wol klas expirens long ronim wol klas LNG Projek. Gulf LNG bai kamap taim InterOil bai rausim ges na wel long Elk-Entelope ges fil arere long Kikori. Pastaim ol i tingting long putim refaineri long Napanapa klostu long Mosbi tasol, bihain ol i senisim tingting na wanbel gen wantaim gavman long putim refaineri long Gulf Provins yet bikos kampani i laik kirapim Gulf Provins na halivim pipel.

Pandora, Stanley na Elavala

Talisman Energy em i wanpela nupela petroleum kampani tu husat i kam insait pinis long PNG. Wankain olsem InterOil, em i kampani bilong Kanada tu. InterOil i gat operesen bilong en long PNG tasol, Talisman i gat operesen bilong en long Esia, Amerika, Not Si, Saut Amerika na nau em i sanapim sampela rig pinis long Elavala, Ketu, na Stanley long Westen Provins. Talisman i gat bikpela ekspirens long ofso prodaksen. Ofso i minim rausim wel o ges long wara. Pandora em i stap long solwara namel long PNG na Australia, na Talisman i tingting long kamapim ofso prodaksen long Pandora. Sapos dispela i kamap, em bai namba wan ofso petroleum prodaksen long PNG.



Papi Dok bilong Kiribati

Bernard i raitim

DAVID Duba, em wanpela man bilong pulim ol pis long wanpela sip,dispela sip i stap aninit long Amerika Saut Seatuna, taim em stap antap long dispela sip ol go sua long Kiribati, wanpela Ailan long pasifik.

Em raun na painim dispela liklik papi dok na em kisim go long sip bilong em na stat long lukautim, em save givim ol hap kaikai ol save kukim na mekim dispela papi dok i gro ariap stret.

Taim sip bilong David pas long bris bilong Mosbi, em karim dok bilong em na raun salim dispela dok bilong em.

Wantok Niuspepa askim David, long wanem na em laik salim

dispela naispela papi dok bilong em? Em bekim na tokim Wantok Niuspepa olsem, em gat tupela wik tasol long stap long graun na bihain em bai go bek long sip bilong em na bai stap long solwara longpela taim.

Em tok tu olsem planti manmeri save salim ol liklik papi dok long rot olsem liklik bisnis bilong ol, olsem na dispela papi dok em kisim em no wankain dok olsem bilong yumi Papua Niugini.

David salim salim papi dok bilong em long K200, husat manmeri laki na bungim David na baim, em bai amamas long wanem dispela papi dok em wanpela tasol, na em luk narakain long ol papi dok bilong yumi Papua Niugini.



PABLIK NOTIS

“KEMPEN BILONG 2012 ILEKSEN PASTAIM LONG EPRIL 27, EM I BRUKIM LOA”

DISPELA EM I WANPELA BIKPELA TOKSAVE LONG PABLIK BILONG LUKSAVE

Ilektoral Komisen i kisim planti komplem na belwari i kam long ol manmeri bilong pablik long pasin bilong ‘kempen pastaim long taim bilong en’ we ol manmeri, ol politikal pati na ol grup o pati i lukluk long resis insait long 2012 Nesenel Ileksen na 2013 Lokol Level Gavman Ileksen.

Olsem opis Konstitusen o Mama Loa i makim long karimaut **FRI, FEA NA SEF** ileksen, Ilektoral Komisen i pablisim nau dispela toksave bai pablik i ken luksave long ol ileksen ofens o asua we i kam aninit long Kriminal Koud. Ol provision bilong Kriminal Koud i save makim ol asua long taim bilong ileksen, is tap insait long Seksen 98 i go inap long seksen 116.

Mi tok luksave long ol dispela asua we i ken kamap long dispela taim bilong lukluk long dispela pasin bilong **‘ELI KEMPENING’**

OL KRIMAL NA ILEKTORAL OFENS O ASUA

- Ol Etvatismen -

Husat manmeri i raitim, droim o makim ol pasin ileksen long sait bilong rot, long rot bilong wokabaut, long kar, long bilding o bilbot, maski long pablik ples, o long ples hait, pastaim long Epril 27, 2012, bai kisim mekimsave long fain inap long K500 o em i ken go kalabus i no abrusim mak bilong 12-pela mun.
- Andiu Influens -

Husat manmeri i givim tok pret, i fosim, o pasim narapela vota, o i giaman na pasim wanpela vota, bai em i ken grisim em o mekim em i vot o i noken vot.
- Braiberi -

1. Husat man o meri i givim, tok orait long givim, o kisim tok promis, o i mekim ofa long givim mani, propeti, benefit o wanem kain samting long wanpela ilekta o vota, bihainim wanem kain rot, o i askim em long mekim samela samting long taim bilong ileksen.

2. Husat man o meri i ken vot, i askim, kisim, o i no kisim wanpela mani, o i tok wanbel long kisim o i traim long kisim mani, propeti o benefit bilong em yet o bilong ol arapela lain bai ol i ken vot bihainim wanpela tingting.

3. Husat man o meri, husat i no vota, tasol i askim, kisim, o traim long kisim mani, propeti o benefit bilong em yet o bilong ol arapela lain, bilong lukim wanpela i sanap long ileksen i winim vot.

4. Husat man o meri i givim mani long narapela manmeri wantaim tingting olsem dispela mani bai go long bihainim wok olsem i stap pinis long 1, 2, na 3, em i asua pinis na brukim loa.

5. Husat man o meri i hait na givim mani long ol man o meri bai ol ken rejista olsem vota, na em bai votim em.
- Triting o Givim Luksave -

Husat manmeri, pastaim long ileksen i kamap, i givim o baim samting olsem kaikai, dring o rum slip bilong husat man o meri bai dispela man o meri i mekim samting o i noken mekim samting olsem vota.

Long taim bilong kisim mekimsave long kot:-
Man o meri Kot i painim i asua long ol dispela ilekotral ofens, i no inap long vot inap tripela (3) yia, na i tambu long sanap long Nesenel Palamen Ileksen. Wanpela Memba bilong Palamen husat i kisim mekimsave, bai lusim wok Memba na sia bilong em bai stap nating.

Husat manmeri i asua na i kisim mekimsave long kot long ol ofens long Lokol Level Gavman ileksen bai tambu long holim wok long wanem kain Lokol Level Gavman opis inap long tupela (2) yia. Sapos em i bin wok memba bipo, sia o opis bilong em bai stap nating.

OL ARAPELA ILEKTORAL OFENS O ASUA

OL ASUA	OL MEKIMSAVE
Man o meri husat i stil na kisim o mekim narapela man o meri long lusim resis olsem kendidet insait long wanpela ileksen, bihainim sampela kain pe o tok promis long kisim pe.	Husat man o meri i asua na kisim mekimsave bai nem bilong en i raus long rejista olsem wanpela vota inap long tupela yia bihainim taim em i kisim mekimsave, na em bai no inap long vot.
Husat man o meri i mekim giaman toktok bilong traim stap long Ilektoral Rol.	Mekimsave bilong dispela kain asua em i kalabus i no abrusim mak bilong sevenpela (7) yia.

Ol Prosekysusen o sasim bilong ol dispela ofens o asua, i mas kamap insait long wanpela yia bihain long asua i kamap. Yu noken wet long failim ol ileksen petisen. Yu ken mekim komplem bilong yu wanem taim wanpela ilektoral asua i kamap.

Dispela i min olsem ol manmeri bilong pablik i ken mekim komplem long Polis long sekim, arestim, na sasim husat man o meri (karamapim, tasol i no ol dispela lain tasol, olsem ol kendidet i resis long ileksen, ol sapota, ol Memba bilong Palamen, ol Kaunsela, ol mausmanmeri bilong ol Politikal Pati, na olsem) husat i asua pinis bihainim ol tok klia antap.

Tok Orait i kam long:

ANDREW S. TRAWEN, CMG, MBE
ILEKTORAL KOMISINA

SPECIALS



Long save moa,
askim ol lain long
Agmark stoa
klostu long yu

**AGMARK
HARDWARE**

Kokopo | Rabaul | Kerevat | Port Moresby | Lae | Madang | Kimbe | Kokopau

GLASIM RAMU NICO PROJEK

Wanpela Ramu Nicos, Wanpela Komuniti

Ramu nikel projek win long Suprim Kot - em gutpela nius bilong papagraun

BASAMUK asples insait long Raikos na Kurumbukari (KBK) insait long Usino-Bundi, long Madang provins em tupela tarangu ples we nogat ol gavman sevis i save go tumas long ol pipel..

Ol pipel long dispela tupela ples i no bin kisim gutpela sevis long stat bilong taim Papua Niugini(PNG) i kisim independence long 1975 i kam inap nau.

Taim gavman bilong Gren Sif Se Michael Somare i bin sainim pepa na tok orait long bikpela maining kampani bilong China, Ramu NiCo Management (MCC) Limited long kam insait long PNG long digim nikel na kobalt long Madang, dispela tupela ples i bin lukim developmen long ai blong ol stret.

Planti man i save olsem ol lain bilong Kurumbukari save wokabaut long Usino mausrot i go antap long Butua, Danagari na KBK inap long mak bilong 3-pela dei. Nogat rot ya. Na ol i mas brukim bikpela Ramu Riva o yusim kanu long go kam.

Ol lain bilong Basamuk long Raikos i save brukim bikpela solwara long dingi long go long Madang na planti save kapsait na painim dai blong ol.

Ol dispela samting i wok long senis taim Ramu NiCo i bin kam insait. Tete, ol pipel bilong KBK i save go long Madang long kar na go bek long seim dei. i gat gutpela rot na bikpela Ramu riva bris we Ramu NiCo Projek i wokim. Ol dispela wok infrastraksa i kamap insait long taim bilong konstraksen tasol we kampani i givime mani wansait na i no mekim wanpla profit mani. Na planti bilong ol dispela sevis i no stap insait long MOA o memorandum ov agrimen we ol papagraun i sainim wantaim Ramu NiCo tasol kampani i givim olsem sevis i go long ol pipel nating long helpim komyuniti.

Taim ol displa gutpela sevis i kamap na kampani i wok hat stret long go insait long wok maining, sampela papagraun insait long Basamuk we Louis Medaing i go pas long em i traim long stopim Ramu NiCo long yusim DSTP or (deep sea tailing placement system) we kampani i bai tromai ol pipia i go aninit long solwara long Basamuk.



Basamuk Rifaineri Plent we DSTP system i stap long em.

OL LOA siaman husait i bin go long Basamuk na sanap antap long mixing tank bilong DSTP i amamas olsem Ramu NiCo Projek i mas go het hariap.



Ol dispela lain i laikim main i mas kamap tasol ol i no laikim DSTP we ol i tok olsem em bai bagarapim solwara na ol abus insait long solwara. Displa Kot i bin stat long Nesenel Kot long Madang na bihain i go kamap long Suprim Kott long Port Moresby we surukim bikpela taim long Ramu NiCo i ken go insait na statim wok maining we bai lukim ol papagraun, Madang, na PNG i kisim mani helpim.

Taim Krismas i kam na ol manmeri i amamas, gutpela nius tu i kamap bilong ol papagraun bilong Basamuk na KBK, wantaim tupela paipain area tu we i bin weet long lukim displa bikpla Ramu NiCo Projek i mas stat.

Supreme Kot long Waigani long

Fonde Disemba 22, 2001, em long las wik i bin wokim disisen na tok orait olsem Ramu NiCo i mas yusim DSTP na tromoi aut dispela aplikesen na apil bilong Louis Medaing na ol arapela plentif i go aut long kot, we ol i traim long stopim DSTP we i min tu olsem wok maining bai ino i nap go het.

Displa disisen bilong jas Cathy Davani i nau bringim kamap mak long tupela krismas pait long kot i kam stop na na i wok long surukim taim bilong projek long go het. Ol dispela papagraun i traim long stopim nating DSTP we i bai stopim bikpela wok konstraksen, komisin-ing na operesen bilong namba wan nikel projek, na DSTP sistem we gavman bilong PNG i tok-orait long

kampani bai yusim.

Disisen long Supreme kot i kamap bihain long wanpela apil we Louis Medaing na ol narapla man ol i kolim ol yet papagraun i appeal long wanpla disisen bilong Madang National kot long Julau 26. Loya bilong ol, Twivey Lawyers i mekim dispela apil agensim Ramu NiCo Management (MCC) Limited, Gavman bilong PNG na Dr. Wari Iamo olsem secretary bilong Department bilong Enviromen na Konsevesen (DES).

Supreme kot i wokim disisen na i tok orait long planti gutpela bilong projek na i tu luk save olsem Ramu NiCo Projek em wanpela bikpela projek na dispela pasin bilong surukim taim il kamapim planti birua

na sapos kot i stopim displea projek bai ekonomi bilong Madang provins na kantri bai painim bikpela birua long sait bilong moni i kam long maining projek.

John Gooding, Menesing Daireta bilong Highlands Pacific, wanpela patna insait long dispela nikel projek long wanpla pepa ripot long Fonde bihainim displa kot disisen i tok:, "Dispela em wanpela gutpela nius bilong projek, ol papagraun na kantri na dispela tu i ken kamapim strongpela bilip long ol investa o kampani bilong arapela kantri long kam long PNG na Ramu Nikel Projek tu."

"Dispela em trangu tru olsem wanpela bikpela projek we gavman i luksave na givim tok orait na em yusim bikpela save bilong ol arapla kantri long wokim nikel projek na kamapim planti developmen insait long komuniti na wok konsaltesen o wok-bung namel long komuniti na papagraun em ol sampela liklik man ol kolim ol yet papagraun i traim long stopim," Mista Gooding i tok.

"Em nau taim bilong go het wantaim komisinim na operesen bilong projek na larim ol bikpela mani helpim i mas go long ol papagraun na ol stekholda hariap," em i tok.

Mista Gooding i tok Ramu NiCo bai wok klostu wantaim gavman bilong PNG na ol lain man or reguletas long soim stret olsem displa projek i bihainim tru ol tok orait i stap ananit long liaisens bilong wok maining.

Ramu NiCo Project nau i stap sambai long wok maining taim Kot i tok orait long en pinis. Displa disisen nau i gutpela bilong olgeta lain husait i sapotim displa projek, tasol bikpela nius em bilong ol papagraun husat i wet longpla taim long lukim dispela projek i kamap na ol halivim i ken go long ol.

Ramu NiCo i bai wanbel nau long wok klostu wantaim ol lenona association siaman, ol papa graun, na ol stakeholders long mekim dispela projek i kamap gutpela na olgeta lain i ken kisim halivim long en.

Ramu NiCo i tok tenkyu tru i go long olgeta lain husait i sapotim em long dispela pait long kot na i tok dispela win em win bilong olgeta lain na nau ol i mas wok bung wantaim long mekim dispela projek i kamap nambawan insait long kantri na wol.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**Wanpela
Ramu NiCo,
Wanpela
Komyuniti**



BENK BILONG PAPUA NIUGINI

Pres Stetmen K100 Polima Benk nout

Benk bilong Papua Niugini bai autim wanpela niupela K100 benk nout i go aut long Desemba 2011. Ol niupela nout i karim yet orijinal o namba wan disain na sekyuriti banis i stap long ol K100 benk nout. I gat wanpela senis long siknesa o hanmak bilong niupela Gavana bilong Benk bilong Papua Niugini, Mista Loi M. Bakani.

Bikpela het tok long fran bilong olgeta niupela siris benk nout, em ol stendataisim long Palamen Haus i mas stap long strongim astingting bilong bildim kantri, na nesenhut, na baksait i karim yet ol orijinal disain bilong ol tumbuna mani yumi save yusim bipo long kain kain hap bilong Papua Niugini. Ol niupela sekyuriti banis i go insait long olgeta niupela siris benk nout long banisim pasin kauntafit.

FRAN



Siknesa bilong Gavana Loi M. Baka

Fran

Ol bikpela disain piksa em Palamen Haus na Nesenel Kres o pisin bilong Papua Niugini, em wanpela Bird of Paradise pisin i sindaun antap long wanpela kundu, na wanpela supia.

BAKSAIT



Ol samting i stap long dispela nout tasol

Long Baksait

Bikpela disain piksa i soim senis long wanpela tumbuna praimeri ekonomi i go long wanpela moden ekonomi, o ekonomi bilong tude, we i karamapim maining, petroleum, turisim, trenspot na teknoloji.

Ol Sekyuriti Banis

- | | |
|-------------------------------|--|
| Kompleks Klia Windua – | klia windua i gat wanpela piksa bilong Benk bilong Papua Niugini logo. |
| Sedo Piksa - | Benk bilong Papua Niugini Logo, i save kamap ples klia taim yu apim nout i go long lait. |
| G-Switch - | wanpela nupela optikal piksa i save senis taim yu tanim benk nout aninit long lait. |
| Embos - | namba ‘100’ em ol i embosim insait long namba tu klia windua. |
| Ofset - | kompleks bekgraun sekyuriti piksa long kain kain renbo prin. |
| Intaglio - | multi-kala reis kilain prin long fran na long baksait. |
| Iridesen - | Bird of Paradise long baksait, we i save senis kala taim yu tanim dispela benk nout. |

- | | |
|--------------------------|--|
| Ol Sirial Namba - | Sirieli namba i ron long lephan i go raithan i save senis i go fluro yelo na grin aninit long altra vailet lait. |
| Siknesa - | Bilakpela siknesa i save tanim go fluro yelo na grin aninit long altra vailet lait. |
| ICE - | Bird of Paradise, printim wantaim ret-pela intaglio pen long wanpela reflektiv gold bekgraun i save senis taim yu tanim benk nout. |
| DOE - | Piksa bilong ‘PG100’ i kamap klia taim yu lukluk insait long windua i go long wanpela lait poin. |

*Loi M. Bakani
Gavana*



1. SEMPION: Hekari winim namba 5 NSL taitol bilong ol long Januəri dispela yia. WANTOK POTO.

2. NO NAP: Ol Maroons i strong tumas long ol Blues na i winim nmaba 6 taitol bilong ol.

3. NAMBAWAN: Pini stap yet olsem wanpela nambawan swima bilong PNG na Pasi-fik bihain long em i winim 6-pela gol medol long Pasifik Gems long Nu Kaledonia.

4. STRONG: Lok fowet bilong PNG Kumuls, Glen Nami, i rausim ol Fiji pilaia husat i laik daunim em, long namba tu gem bilong ol insait long Sun Engineering kap salens we Kumuls i winim ol 26-0. WANTOK POTO.

5. WANPELA TIM: Lahanis i bung bihain long ol i winim Digicel kap resis dispela yia. WANTOK POTO.

6. PRETIM OL: ol Nu Silan All Blacks i mekim danis bilong ol bipo long wanpela gem bilong ol agensim Asentina insait long ragbi wol kap.

7. NAMEL: Fulbek bilong Inglen, Sam Tomkins, i traim long brukim banis namel long Johnathan Thurston (lephan) na Anthony Watmough long failol bilong 4 Nesens resis we Australia i winim.

Lukluk bek long 2011 spots wantaim Wantok Niuspepa

Andrew Molen i raitim

Dispela yia i narapela bikpela yia bilong spots gen long Papua Niugini na arapela hap long wol tu. Sampela ol bikpela gem we i bin kamap em Stet ov Orijin resis long Australia, NRL gren failol, Fiji winim namba wan intanesenel gem bilong ol agensim PNG long ragbi lig, Pasifik Gems, Steven Kari bilong PNG kamap sempion bilong Komonwelt na planti arapela samting. Wok redi bilong sampela ol bikpela gem na tonamen long 2012, i kamap nau. Wanpela long ol bikpela gem we bai kamap long 2012 em Olimpik Gems na PNG, olsem ol arapela kantri, wok long redim ol tim na pilaia bilong en long redi long en.

Januari

Hekari United i kamap sempion bilong PNG namba 4 taim insait long Nesenel Soka Lig (NSL) resis bihain long ol i winim Eastern Stars. Nupela kosa bilong NSW Blues long Australia, Ricky Stuart, i bihainim astingting bilong ol Maroons long kisim ol yangpela Blues pilaia i go long wanpela trening kem long skulim na redim ol long pilai Stet ov Orijin bihain taim. Stuart i laik mekim dispela long strongim ol Blues bihain long ol i lus 5-pela yia pinis agensim ol Maroons.

Februari

Ol wok redi bilong salim PNG tim i go long Pasifik Gems long Nu Kaledonia i wok long kamap strong na ol ofisol i stretim ol skwat na trening bilong ol. PNG Football Association (PNGFA) i makim tu bipo kosa bilong Australia, Frank Farina olsem nupela nesenel kosa bilong ol man na Steven Mune olsem nesenel kosa bilong ol meri.

Mas

NRL resis long Australia i stat. Digicel kap resis long PNG i stat wanpela wik bihain long taim ol i makim long en.

Epril

Stet ov Orijin Gem wan, Blues i win.

Me

Stet ov Orijin Gem tu, Maroons i win.

Jun

Stet ov Orijin Gem tri, Maroons i win. Dispela em i namba 6 yia bilong ol Maroons long winim 6-pela taitol olgeta. Em i laspela Stet ov Orijin gem bilong Maroons kepten na faiv eit, Darren Lockyer.

Julai

Laspela seleksen na wok redi bilong ol tim husat bai go pilai long Pasifik Gems long mun i kam.

Ogas

Bipo long 14 Pasifik Gems i kamap dispela yia, Papua Niugini mekim tingting olsem ol bai apim mak bilong ol long laspela Pasifik Gems, i go antap long dispela yia. Long 2007, ol i bin kam namba 5 ples, tasol long dispela yia, ol i apim dispela mak i go long namba tri ples we i kamapim planti amamas long ol manmeri, spona na gavman tu. Planti bikpela samting i bin kamap tu long dispela gem. Wanpela long ol em, win bilong PNG soka tim bilong ol meri agensim asples, Nu Kaledonia long kisim gol medol. Win bilong ol i mekim ol PNG meri kamap olsem ol sempion tru bilong soka bilong ol meri long Pasifik. Dispela i namba tri gol medol win bilong ol meri PNG bihain long ol i win namba wan taim

tru long Fiji long 2003 na namba tu taim gen long Samoa long 2007.

Na dispela tripela win bilong ol i kamap aninit long kosa, Steven Mune.

Long dispela gem tu, i lukim sempion PNG swima, Ryan Pini pilaim laspela Pasifik Gem bilong em, tasol i tok em bai kam bek long 2015 na resis long PNG bipo em i pinis tru. PNG volibol tim bilong ol man tu i mekim histri taim ol i winim brons medol agensim Nu Kaledonia. Dispela i namba wan Pasifik Gems medol bilong ol man bihain long 30 yia. Em i bin wanpela gem we PNG ken i amamas long en bilong wanem namba tri ples, i no nogut tumas na tu olgeta pilaia i bin traim hat tru. Na PNG mas i statim ol wok redi bilong 2015 Pasifik Gems we bai kamap long Mosbi siti.

Septemba

Dispela yia i bin namba wan taim bilong PNG Rugby Football League (PNGRFL), long kisim dispela Praim Minista 13 gem namel long Australia na PNG go long Lae siti. Ol Kumuls i kamapim wanpela strongpela gem agensim Australia gen tasol bikhet bilong ol sapota em i wanpela samting ol pilaia, spona na ogenaia bilong gem i luk-save long en. Sampela i kamap long Lae long Fraide na Sarere yet na mekim haus sait long pilai long wetim get i op long Sande bai ol i go insait na wetim gem long stat. Namel long gem na klostu long pinis, ol i bikhet na polis wantaim ol sekyuriti wok hat tru long traim na stretim ol. Banis long sait bilong pilai graun i bruk na ol manmeri ron i go insait long pilai graun. Sampela ol Australia pilaia i pret liklik dispela pasin ol i

lukim, tasol i nogat wanpela i kisim bagarap.

Em bai gutpela long planti kain intenese nel gem na awenes tu i kamap long ol arapela ples insait long kantri olsem Lae, bai ol manmeri ken lainim long stap isi na sapot long stretpela pasin. Bihain long dispela pilai, em gren failol bilong PNG NRL aninit long nupela spona, Digicel. Dispela i bin namba wan gren failol bilong Digicel kap na Bintagor Lahanis bilong Goroka i winim agensim Agmark Gurias bilong Rabaul long wanpela strongpela gem tru.

Lahanis, wantaim ol sinia na ekspiriens pilaia bilong ol i bin strong tumas long ol Gurias husat i gat planti yangpela pilaia long tim. Gurias kosa, Michael Marum i amamas long tim bilong em na i bilip ol bai kam bek strong long 2012 na arapela ol yia i kam.

Long wankain taim kepten bilong ol Lahanis, Glen Nami, i tok wokhat na strongpela tingting bilong ol pilaia bilong em tasol i helpim ol long winim dispela gem.

Oktoba

Tupela bikpela tes bilong ol Kumuls na Fiji Batis i kamap long Hagen na Mosbi. Long namba wan tes, Fiji bin winim na mekim histri long en olsem namba wan win bilong ol agensim PNG long intanesenel ragbi lig. Wanpela wik bihain long dispela gem, ol Kumuls i kam bek strong na i bekim wantaim 26-0 long Mosbi long winim Sun Engineering kap bilong dispela yia. Pinis bilong dispela mun i lukim tu Nu Silan i winim ragbi union wol kap we i kamap long asples bilong ol yet. Ol i winim Frens (France) long gren failol na kisim Webb Ellis trofi we laspela

taim ol i winim em long 1988.

Novemba

Australia i winim 4 Nesens ragbi lig resis dispela yia agensim Inglen long failol, long Inglen yet. Dispela i bin laspela intanesenel pilai bilong kepten bilong Australia, Darren Lockyer, husat i pilai 58 gem olgeta bilong kantri bilong em. Nesenel Soka Lig i stat gen long PNG na sempion tim, Hekari United i no statim gut sisen bilong ol tasol ol i wok long painim gem bilong ol gen na i stap insait long top 4 resis yet. Ol man na meri nesenel soka skwat bilong PNG wok long trening nau long ol bikpela gem bilong ol long 2012 we bai lukim ol i go insait long Olimpik Gems long London sapos ol i mekim gut.

Disemba

Sauten Rijen ragbi lig nains (9's) i bin kamap long Disemba 5th i go long 9th bilong dispela mun we i lukim Gaivakala, ples long Aroma kos bilong Sentrol provins, i winim bek taitol we ol i bin kisim long 2010. Hekari United i sanap strong insait long O'lig resis na long wankain taim tu, i painim gem bilong ol na i go pas gen long PNG NSL resis. Ol i gat gutpela tingting olsem ol i ken winim NSL resis namba 5 taim sapos ol arapela tim i no kam bek strong agensim ol bihain long nupela yia. Wok redi bilong planti ol bikpela gem, asosiesen na ol tim tu i wok long kamap nau long lukluk long nupela yia. Klostu long Krismas na Nu Yia bai ol i malolo tasol olgeta wok, trening na pilai bai kamap gen bihain long dispela malolo taim.

Laspela toktok

Spots long dispela yia i kamap gut tasol long

wankain taim, planti ol hevi na asua i bin kamap tu.

Mipela long nambawan tok pisin niuspepa bilong yu, Wantok, i traim long kisim ol piksa, stori na sampela gutpela infomesen na toksave tu, bilong dispela olgeta samting insait long spots i kam long yu. Tenkyu long pas wantaim mipela long lukim na save long ol dispela spots stori bilong PNG na ovasis. Long 2012 bai yumi lukluk long Olimpik Gems we sampela ol PNG pilaia tu bai go long en.

Wanpela bikpela gem long PNG long yia i kam tu em namba 5 PNG Gems, we bai kamap long Kokopo.

Dispela em i wanpela bikpela gem long spots kalenda bilong PNG na planti bai lukluk long en.

Bai yumi lukluk tu long Stet ov Orijin resis long Australia sapos ol Blues i nap stopim ol Maroons long noken winim namba 7 taitol bilong ol insait long 7-pela yia na tu bai Digicel kap i kem bek gen.

Ol wok bilong redim ples bilong Pasifik Gems long 2015 bai kamap na NRL Bid tu i laik putim wanpela tim insait long Queensland Cup resis bipo ol i go insait long NRL long 2015 tu, sapos NRL i givim ol ok orait.

Plant moa arapela bikpela bung na pilai long spots insait long PNG na long wol bai kamap na Wantok Niuspepa bai wokhat gen long kisim ol gutpela stori, piksa, tok na arapela infomesen i kam long yu.

Long pinis, bikpela tok tenkyu na amamas i go long yu long sapot bilong yu long dispela yia na mipela bai amamas long stori wantaim yu gen long yia i kam.

MERI KRISMAS na GUTPELA NUPELA YIA i go long yu na famili bilong yu.




AMAMAS: City Pharmacy Rebels i winim namba wan primisip taitol bilong ol 15 yia bihain long ol i kam insait long Mosbi netbol resis. *POTO: City Pharmacy.*



SMAIL: Ol PNG weitlita i soim amamas bilong ol long mama sponsa bilong ol, Trukai, husat i tok long stap wantaim ol sampela moa yia. *POTO: Andrew Molen.*



BIKNEM: Ol olupela Blues pilaia wantaim sampela ol PNG pilaia i kamap long PNG long pilai agensim ol Maroons long wanpela spesol gem bilong ol biknem pilaia. *POTO: Andrew Molen.*



MASOL: Jack Viyufa i soim bodi bilong em we i helpim em long winim gol medol long Pasifik Gems dispela yia. *POTO: PNGSFOC.*

APIM HAN: Jack Willie tromoi han long ol PNG sapota bihain long em i winim pait bilong em long 49kg divisen long Pasifik Gems long kisim gol medol. *POTO: Andrew Molen.*



PAIT: Tupela paitman i mekim save isnait long namba wan 'All styles' masol ats tonamen long PNG we Jamuga Stone i kamapim. *POTO: Andrew Molen.*



PAIRAP: WAnpela fowet bilong ol Gurias i bam long banis bilong ol Lahanis na lusim bal na pudaun insait long namba wan Digicel kap gren fainol gem bilong ol Lahanis i winim. *POTO: Andrew Molen.*



LUKSAVE: Edward Laboran (lephan) na Se John Kaputin, em tupela namba wan PNG etlit long go insait long "Hall of Fame" o rekot bilong ol biknem spotsmanmeri bilong PNG.



PUTIM AI: Kumuls dokta, Mathew Natush (lephan) na kosa, Adrian Lam i lukluk gem. Lam i kam bek olsem kosa bilong ol Kumuls gen dispela yia.



BRUKIM: Prop fowet bilong Kumuls, Rodney Pora i kamapim wanpela strongpela gem tru long namba tu tes bilong ol agensim Fiji we ol i win 26-0, long Mosbi. *POTO: Andrew Molen.*

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.



TROFI: Michael Robertson (lephan), Jamie Lyon, Brett Stuart na Steve Matai bung long kisim poto wantaim NRL trofi bihain long ol i winim gren fainol dispela yia.

SEMPION: Ol Maroons pilaia i karim kepten na faiv eit bilong ol, Darren Lockyer, i go aut long pilai graun bihain long ol i winim namba 6 taitol bilong ol dispela yia. Em i laspela gem bilong Lockyer.

Yia bilong Lockyer na Manly

SAPOS yu lukluk bek long NRL long 2011, bai yu tingim tupela samting, wanpela em Darren Lockyer na narapela em Manly Sea Eagles.

Bai yu tingim Lockyer bilong wanem em i bin laspela yia bilong em long pilai ragbi lig.

Long dispela yia tu, em i stap insait long Maroons tim husat ol i winim namba 6 Stet ov Orijin taitol bilong ol insait long 6-pela yia stret agensim ol Blues na tu em i kisim ol Kangaroos i winim 4 Nesens resis long Inglan.

Em i brukim rekot tu olsem man husat i pilai moa gem bilong kantri bilong em.

Lockyer i makim kantri bilong em 58 taim we i abrusim mak bilong Ruben Wiki bilong Nu Silan husat i bin holim rekot taim em i makim kantri bilong em 52 taim.

Tasol namba win bilong Lockyer tru i bin kamap long Janueri yet taim em i kisim ol All Stars tim i go long winim ol Indigenous tim bilong Australia.

Lockyer i traim tu long winim gren fainol na pinis tasol driman bilong em i no kamap tru bihain

long em i kisim bagarap long semi fainol taim em i bam wantaim wanpela pilaia bilong em yet.

Tasol tim we i go long gren fainol na i win em Manly Sea Eagles.

Manly soim gen long 2011 olsem ol i wanpela strongpela tim yet insait long kompetisen aninit long kosa, Des Hasler husat i winim wanpela gren fainol pinis wantaim ol.

Dispela yia i lukim fulbek bilong ol, Brett Stuart tu i kam bek long tim bihain long em i no pilai long 2009 na 2010.

Kam bek bilong Stuart wantaim gutpela fom bilong ol arapela pilaia long tim olsem Steve Matai, Anthony Watmough na faiv eit, Chery Daley-Evans na hap bek, Kieran Foran, i helpim tim i ron gut dispela yia.

Tasol bihain long dispela gutpela win bilong ol, i gat planti hevi kamap insait long klap namel long ol bosman.

Toktok i bin kamap olsem Hasler i laik kisim sampela ol bikpela wokman na pilaia bilong klap i go wantaim em long Canterbury Bulldogs taim kontrak bilong em i pinis long

2012, wantaim Manly.

Hasler i bin tok dispela win bilong em wantaim Manly mekim em i amamas na em bai stap wanpela moa yia gen na traim long winim gen long 2012.

Tasol bihain long dispela hevi, em i senisim tingting na lusim Manly na i go long ol Bulldogs.

Manly kepten, Watmough, i tok ol pilaia na ol manmeri tu i noken tingting tumas long dispela ol hevi tasol i mas tingim na amamas tasol long gutpela win bilong Manly long gren fainol dispela yia.

Wanpela tim tu husat i putim mak long dispela yia em Melbourne Storm husat ol i go lus long semi fainol long ol Warriors husat ol i go long gren fainol wantaim Manly.

Ol Storm i kam bek strong tru dispela yia bihain long NRL i rausim ol poin bilong ol long 2010 na ol i bin stap long las ples tru.

Warriors i go insait long namba tu NRL gren fainol bilong ol dispela yia na dispela em i namba tu taim ol i lusim gen.

Dispela i strongim tingting bilong ol na i gat bilip long kam bek strong gen long 2012.

I gat planti arapela bikpela samting tu i kamap insait long NRL dispela yia.

Wanpela long ole m dispela win bilong Maroons we i mekim nupela histri bilong Stet Ov Orijin long Australia.

Ol Blues i traim hat long traim na stopim ol dispela yia tasol olgeta save na strong bilong ol i kam sot nating.

Long wankain taim, i no Lockyer tasol i pinis long pilai dispela yia, planti ol arapela tu olsem Andrew Ryan bilong Bulldogs, Preston Campbell bilong Titans, Adam MacDougall bilong Knights na planti arapela biknem tu i bin pinis long pilai.

Em i bin wanpela bikpela yia bilong NRL gen, i gat planti ol salens i kamap insait na autsait long pilai graun wantaim tasol olgeta i kamap na i pinis wantaim ol stretpela na strongpela wok bilong ol manmeri husat i go pas long ol.

Nau olgeta tim i malolo pinis na i stat trening gen long redi long nupela sisen.

Em bai bikpela salens gen bilong Manly long traim na holim strong

dispela taitol bilong ol agensim ol tim olsem Bulldogs we Hasler i stap long en nau, na tu ol Dragons husat ol i bin holim displea taitol long 2010 na i abrus long en dispela yia.

Storm tu bai putim ai long ol na Warriors bai laik long kam bek gen.

Long wankain taim, ol Broncos bai traim long lainim long pilai nupela gem we i nogat Lockyer i stap insait long en.

Maroons i gat planti ol pilaia husat i ken pilai long namba 6 ples, tasol sapos ol i nap long winim namba 7 taitol bilong ol o nogat, em i stap wantaim ol.

Ol arapela kantri tu bai traim strong long daunim Australia wantaim bilip olsem Lockyer i no inap pilai moa long stiaim ol pilaia bilong em i go i kam.

Tasol dispela olgeta samting bai kamap bilong olgeta manmeri long lukim.

NRL bai kamap strong yet na planti moa gutpela na strongpela pilaia bai kamap long kisim ples bilong Lockyer na ol arapela sinia pilaia husat i putim mak bilong ol pinis na i go.

Spots kirap strong long PNG long 2011

Andrew Molen i raitim

PLANTI hevi bin kamap long wanwan spots long 2010 na 2009 we i lukim ol tim na pilaia bilong dispela ol spots i no bin pilai long mak tru we ol inap long en.

Tasol dispela i senis long 2011.

Spot we i go pas long soim gutpela mak em nesenel tim bilong Papua Niugini, ol Kumuls.

Long las tupela yia, i bin gat kros na belhevi namel long ol bikman bilong PNG Rugby Football League, we i lukim nesenel kosa, Adrian Lam i lusim ol na tu i nogat gutpela seleksen i kamap

long tim.

Dispela i mekim na ol i no pilai gut long ol intanesenel gem na tu sampela ol ragbi lig gem na progrem i no bin kamap olsem ol i save kamap bipo.

Tasol long dispela yia, sampela stretim toktok i kamap na i lukim Lam i kam olsem kosa na ol Kumuls tu i kirap strong gen.

Gutpela piksa i kamap long dispela 26-0 win bilong ol agensim Fiji long Mosbi na tu strongpela pilai agensim Praim Minista 13 tim bilong Australia we i kamap long Lae.

Sapos ol samting i ron gut olsem yet bai 2012 i nara-

pela gutpela yia bilong ol Kumuls we bai lukim ol i ken redi tu long wol kap long 2013.

Narapela spot we i kamap gut tu em soka, we i bin i gat wankain hevi olsem ragbi lig, namel long ol bosman bilong ol.

Dispela i mekim PNG no salim wanpela sinia tim bilong ol man i go long planti ol intanesenel gem.

Tasol long dispela yia, PNG Football Association i stretim ol hevi bilong en na i makim bipo pilai na kosa bilong Australia, Frank Farina, olsem nesenel kosa bilong tim bilong ol man.

Ol i makim tu Steven Mune

olsem nesenel kosa bilong ol meri.

Dispela tupela kosa i kisim ol tim bilong ol i go long Pasifik Gems long Nu Kaledonia we i lukim ol man i abrus tasol long go insait long fainol wantaim pouns na ol meri winim namba tri gol medol bilong ol insait long namba tri Pasifik Gem bilong ol aninit long was bilong Mune.

Boksing em narapela husat i bin bungim hevi tu na i no bin salim planti ol gutpela paitman bilong ol i go long Komonwelt gems long 2010.

Tasol long dispela yia, ol paitman bilong ol i kam bek

gen long PNG skwat na i soim tru strong bilong ol taim ol i winim ol medol long Pasifik Gems.

Nau i gat sampela toktok i kamap gen long rot ol bikman bilong PNG Boxing Union i bihainim long makim ol eksekutiv bilong ol tasol em i wanpela samting we ol i ken stretim hariap.

I gat askim long ol i mas votim ol dispela eksekutiv gen, na dispela i mas kamap hariap bai nupela yia i ken ron gut tasol na i noken bagarapim pait bilong ol PNG boksa.

Long ol arapela spot olsem swimming, etletiks, taekwondo, karate, volibol,

bodibilding, weiltifting, pawalifting, tenis na ragbi sevens, judo na kriket i winim planti medol long Pasifik Gems dispela yia long helpim PNG tim i kamap namba tri ples.

Netbol, sofbol na ol arapela gem husat i no kamap long dispela bikpela gem i mekim gut tu long ol arapela tonamen we i givim luksave yet long PNG.

2012 bai go bikpela yet bilong spots long PNG sapos ol dispela hevi bilong wanwan gem i ken pinis namel long ol edministreta bilong gem na tu namel long ol pilaia na ol arapela husat i save givim han long gem.

Ipatas Kap bai bikpela moa

Bustin Anzu i raitim

NAMBAWAN Ov sisen ragbi lig pilai bilong Papua Niugini "Coca-Cola Ipatas Cup" (CCIC) bai kamap bikpela moa long yia i kam.

Dispela ov sisen pilai em i wanpela bikpela pilai wantaim dispela kain win mani, we Papua Niugini Ragbi Football Lig i luksave long en.

Wantaim luksave bilong gavman bilong O'Neil/Namah, dispela pilai bai kamap wanpela bikpela pilai we bai planti ol mangi husat i no traim bun bipo, bai soim pes.

Dispela pilai we bai stat long Februari 2012, na bai nap long mani mak bilong K500, 000 bilong ol long yusim long ronim.

K200, 000 bai go long prais mani bilong ol tim na narapela K300, 000 em administresen kos.

Dispela mak bilong mani

bin go antap taim ol i lukim olsem ol tim bilong Niugini Ailan na Sauten rijen tu i soim laik tu long pilai insait.

Dispela tupela tim bai kamapim pilai bilong ol yet long painim husat ol tim bai makim rijen bilong ol.

Long taim bilong lonsim pilai long Lae bipo long Krismas, siaman bilong CCIC, Wallis Pingin, Sif Eksekutiv opisa, Timothy Lepa na Presiden bilong Hailens ragbi lig, Sandi Tsaka, i tokaut long dispela.

Pingin i tok dispela pilai long yia i kam, bai kamapim wanpela bikpela pilai we olgeta lain bilong pilai na edministresen bai amamas na lukim planti ol nupela pilaia i kam aut ples klia.

Em i tok dispela pilai gro insait long 12-pela krismas kwiktai tru, taim em i stat long 1999 wantaim tupela tim tasol.

Nau, ol i gat planti tim long

olgeta rijen na dispela i mekim dispela pilai wanpela bikpela gem we i kisim luksave bilong gavman dispela yia.

Long wankain taim, dispela pilai bin kamapim planti ol gutpela pilai, husat ol i pilai long Nesenel na intanesenel pilai wantaim.

Lepa i tok bikpela amamas long namba wan sponsa, Coca Cola Amatil, long luksave bilong ol long olgeta yia.

Em i tok sapos dispela sponsasip i no stap, bai ol i no inap kamap long dispela kain mak ol i stap long en nau.

Tsaka, husat i makim maus bilong petron bilong gem na tu Gavana bilong Enga provins, Peter Ipatas, i tok dispela pilai no bilong ol manmeri long Enga tasol, em bilong olgeta yangpela insait long kantri.

Em i tok Enga Provinsel

Gavman bai sapotim dispela pilai go yet long wanem, em i astingting bilong ol na bai lukim ol i skruim sapot bilong ol yet.

Long wankain taim, Lae Biscuit Company (LBC) putim K20, 000 bilong helpim ol refri long dispela pilai.

LBC i tok sapos i nogat refri, bai nogat pilai olsem na ol i sapotim ol wantaim dispela mani.

Long taim bilong wokim dispela presentesen, sels supavaisa, Paul Emika, i tok tripela yia nau ol i painim bilas bilong ol refri na dispela sisen, bai namba 4 taim.

Em i tok ol i amamas long stap pas o klostu wantaim CCIC.

Lepa i tok amamas long LBC long wanem, dispela kampani bin stap klostu na sapotim gem insait long 12-pela yia na ol i amamas olsem ol i lukautim ol refri insait long dispela pilai.



KILIA: Wanpela Crushers pilaia bilong Lae i traim long brukim banis bilong ol Royals long Lae long Ipatas kap salens long 2010. **WANTOK POTO.**

Folau bungim ol liklik sempion

OL kepten bilong ol Pasifik kantri husat i bin stap insait long 2011 Yut Kap, i bin laki long bungim bipo biknem NRL pilaia, Israel Folau, husat i save pilai AFL nau.

Folau i bungim olgeta kepten na i kisim poto wantaim ol bipo long ol gem bi-

long ol.

Tupela kepten bilong PNG, Michael Macca na Jason So-ong tu i stap long bungim wanpela top pilaia insait long gem bilong ol.

Ol narapela kepten em (long lephan i go long raithan); Yoshi Harris

(Nauru), Sione Tupou (Tonga), narapela sinia AFL pilaia bilong Australia, Nic Naitanui, Israel Folau, Rhys Panui-Leth (NZ), Jermaine Lewis (Flying Boomer-nags), Solomon Navuso (Fiji), Robin Norman (Vanuatu).



SANAP: Ol tim kepten i sanap wantaim Naitanui na Folau. **POTO: AFL.**

Stone makim 400m long Olimpiks

NELSON Stone i makim 400m resis long Olimpik Gems long London long 2012.

Stone, husat i bin winim gol medol long dispela resis long 2011 Pasifik Gems long Nu Kaledonia, i tok em bai trening strong long en long traim na winim ples insait long Olimpik Gems.

Bihain long Krismas, em i go long Sidni, Australia, long statim trening bilong em.

Em bai lukluk tu long 200m na 100m resis tasol bikpela tingting bilong em i stap long traim na kwalifai long 400m long Sidni long winim ples long Olimpik pas-taim.

"Mi bai wokhat long traim na putim ol gutpela taim insait long ol resis bilong mi long traim na kwalifai," em i tok.

"Em i gutpela long mi go trening long Australia bilong wanem ol i gat ol gutpela samting bilong trening i stap na tu Australia i gat sampela ol nambawan etlit insait long wol husat inap givim gutpela



STRONGPELA TINGTING: Stone i laik kwalifai long Olimpik Gems. POTO: Digicel.

salens long mi.

"Dispela ol salens bilong ol i ken pusim mi long ron strong moa nae m bai helpim mi gut tru," Stone i tok.

Bipo em i go, em i save trening tupela taim insait

long wanpela de, na i save trening 6-pela de insait long wanwan wik, long Se John Guise stadium long Mosbi.

Em bai go i kam long Sidni long trening na pilai go inap long taim bilong Olimpiks.



NEW PREMIUM TUNA

DIANA

PROUDLY PNG MADE



Omega-3 DHA

Spots kirapim PNG

PNG kamap strong long 2011 spots



CARPENTERS MOTORS

Introdusim



- SETIFAIID KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA *Kondisens bai aplai
- OL SAVE TEKNISEN BAI SEVISIM KAR BILONG YU
- IGAT 20 POINT MEKENIKOL SEK

○ Nambawan Expiriens ○ Hamamas long Kisim ○ Tru long Yumi

9.9% FAINANS long ol **DIAMOND CLASS VEHICLES** *Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com